

Imvaho Nshya

Soma Usobanukirwe Buri Munsi

NO .E-29 | **TARIKI** 2 - 8 NZERI 2025 | **RPC** P.O.BOX 3854 KIGALI-RWANDA **TEL:** +250 785 474 045 **E-mail:** info@rpc.rw

AMAKURU

Mureke guhunga ibibazo- Perezida Kagame ahanura urubyiruko



2

AMAKURU

U Rwanda rugiyeye kunguka indege nto zikora 'Taxi'



4

AMAKURU

Miliyari 70 Frw zagenewe kwimura abatuye ahazubakwa urugomero rwa Nyabarongo II



11

MU NTARA

Minisitiri w'Intebe Dr Nsengiyumva yasabye abatariye Pariki gukomeza kuyibungabunga



14



Perezida Kagame yavuze uko u Rwanda rusigasira umurage wa Pariki



Perezida Paul Kagame yagaragarije abari bitabiriye umuhango wo Kwita Izina uko Pariki zisigasirwa

NTAWITONDA Jean Claude

Ubwo yakiraga abashyitsi bagendereye u Rwanda bajemubirori byo Kwita Izina ku nshuro ya

KOMEZA KU RUP.3

20, Perezida wa Repubulika Paul Kagame yakomoje ku buryo u Rwanda rusigasira umurage wa Pariki z'Igihugu zirimo n'iy'Ibirunga icumbikiye ibihumbi by'ingangi zo mu misozi zisigaye hake ku Isi.

Mu ngamba zo gusigasira uwo murage ukurura ba mukerarugendo baturutse mu bice bitandukanye, Perezida Kagame yakomoje ku kugenera abatariye pariki 10% by'amadovize ava mu bukerarugendo.

Yagize ati: "Mu Rwanda, 10% by'amadovize yinjizwa n'ubukerarugendo ahita ajya mu baturage baturiyeye pariki zacu. Iyo si inkunga gusa, ahubwo ni agahimbazamusyi kabafasha kurinda no gusigasira umurage dusangiye."

RDF yashenguye n'urupfu rwa Lt Gen Kabandana

KAYITARE Jean Paul

Ubuyobozi bw'Ingabo z'u Rwanda bwifatanyije n'umuryango wa Lt. Gen. Kabandana Innocent witabye Imana azize uburwayi yari amaranye iminsi.

Ubuyobozi bw'Ingabo z'u Rwanda (RDF) bwatangaje ko Lt. Gen Kabandana yaguye mu Bitaro Bikuru bya Gisirikare biherereye i Kanombe aho yari arimo kwitabwaho n'abaganga.

Mu itangazo ryashyizwe ahagaragara ku Cyumweru mu kumwunamira, RDF yagize iti: "Umuryango w'Ingabo z'u Rwanda wihaniganishije kandi wifatanyije n'umuryango wagize ibyago muri ibi bihe bikomeye."

KOMEZA KU RUP.3

Mureke guhunga ibibazo- Perezida Kagame ahanura urubyiruko



Perezida Paul Kagame yagiriye inama urubyiruko ko rutagomba guhunga ibibazo, ahubwo rugomba gushaka ibisubizo

NTAWITONDA Jean Claude

Perezida wa Republika Paul Kagame, yahanuye urubyiruko rw’Afurika arusaba kureka guhunga ibibazo kuko ntaho wajya ku Isi ngo ubure kubahasanga, abasaba kugerageza kubishakira ibisubizo bagatsindwa aho gutsindwa no kugerageza.

Umukuru w’Igihugu yabigarutseho kuri uyu wa Mbere mu kiganiro yagejeje ku rubyiruko rwitabiriye Inama Mpuzamahanga yiga ku Iterambere ry’Uruhererekane rw’Ibiribwa muri Afurika (AFSF2025).

Yavuze ko mu myaka 15 ishize yigeze kubwira urubyiruko rw’Afurika ko aho kujya mu mahanga rukwiye kuba rushaka ibisubizo by’ibibazo ruhunga, aruteguzako mu gihe cya vuba abahunze bazirukanwa mu bihugu by’amahanga bagiyemo bakabagarura muri Afurika.

Yashimangiye ko nta na hamwe ku Isi ushobora kugera ngo ntuhasange ibibazo, bityo ubufatanye bw’Abanyafurika ari bwo bukenewe mu gushaka umuti w’ibibazo kuri gakondo aho umuntu aba nta cyikango cyo kuzirukanwa mu gihe runaka.

Guverinoma zirugomba ruda-kuye amaboko mu mifunga ngo inkunga z’abafatanyabikorwa zize kunganira ibyo bakora.

Ati: “Icyo nshaka kubwira urubyiruko ni uko ari bo moteri y’ibikorwa byinshi bya Guverinoma, ariko hakwiye kubaho inshingano bumva nk’urubyiruko, ntihakwiye kubaho gutegereza kugeza igihe hazaba hari ikibazo kivutse maze ngo utegereze ko hari undi muntu uzaza kubafasha. Ahubwo mukwiye kuba muri hanze mushyira imbaraga zanyu mu gushaka ibisubizo mu gihe dushaka inkunga z’ibindi bigo birimo n’ibya Leta kugira ngo bikorane namwe.”

Yakomeje agira ati: “Abakiri bato bakwiye kugira intego ibayobora hanyuma muri urwo rugendo hakaba hari izo mbaraga zindi zibafasha, zaba iziva imbere mu gihugu cyangwa hanze.”

Yavuze kandi ko guharanira impinduka mu buhinzi n’umutekano w’ibiribwa muri Afurika bikwiye kuva mu magambo gusa ahubwo bigashyirwa mu bikorwa, kandi ngo ni inshingano za buri wese kumva ko igisubizo kiri mu biganza bye, harimo n’urubyiruko.

Ati: “Kuki tudakora ibyo tuzi ko dukwiriye gukora. Dukwiye kuva mu magambo tukajya mu bikorwa. Izo ni inshingano zacu twese. Mukwiye gushyiramo imbaraga mukareba ibyo mukwiriye gukora, n’ingufu z’iterambere... Icyo mbasaba ni ugufata inshingano maze tugatanga umusanzu wacu, hanyuma iyo ibyo wabikoze uba ushobora no kubaza abandi inshingano, ariko ntiwagira icyo ubaza abandi mu gihe na we utarimo gukora ibyo ushinzwe.”

Ni itsinda riyobowe na Minisitiri w’ubumenyi n’ikoranabuhanga mu guhanga udushya muri Nigeria (Minister of Innovation, Science and Technology,) Uche Nnaji, bari mu rugendoshuri.

Ibiganiro byabo byibanze ku bufatanye mu guteza imbere ingufu hagati y’ibihugu byombi byaba u Rwanda ndetse na Nigeria.

Minisitiri Nnaji, yashimye u Rwanda ku ntambwe rumaze

AMAKURU



Abayobozi baturutse muri Nigeria basuye u Rwanda bari mu rugendoshuri bashima aho ruze mu rwego rwingufu

Nigeria yashimiye u Rwanda aho ruzeze mu rwego rw’ingufu

NYIRANEZA Judith

Itsinda ry’abayobozi bo muri Nigeria rirashima intambwe u Rwanda rukomeje gutera mu kongera ingufu z’amashanyarazi.

Minisitiri w’Ibikorwa Remezo, Jimmy Gasore agaragiwe n’abayobozi bakuru ba Sositete y’u Rwanda ishinze ingufu REG bayobowe na CEO Armand Zingiro yakiriye itsinda ry’abo ayobozi barenga 30 bo muri Komisiyo ishinze ingufu muri Nigeria [Energy Commission of Nigeria] bari mu Rwanda.

Yagize ati: “Turashima u Rwanda ku ntambwe ifatika urwego rw’ingufu ruzezeho, kandi uru rugendoshuri ni ingenzi cyane mu guteza imbere ingufu mu bihugu byombi.”

Yasabye ko habaho imikorariye ihamye yashingira ku masezerano y’ubufatanye.

Muri iyo nama yahuje abayobozi bashinzwe ingufu kandi bunguranye ibitekerezo kuri Politiki na gahunda irambye yo guteza imbere ingufu mu Rwanda no muri Nigeria.

Abo bayobozi bo muri Nigeria bari mu rugendoshuri rw’iminsi itanu mu Rwanda.

U Rwanda rwagaragaje ko kuri ubu abatwaga bagerebaho n’amashanyarazi ari 85% muri miliyoni zirenga 14 zituye u Rwanda mu gihe Nigeria yagaragaje ko yo igeze kuri 66% y’Abanyanigeria bagerwaho n’amashanyarazi mu baturage barenga miliyoni 260 batuye Nigeria.

AMAKURU

IMVAHO NSHYA NO: E-29 |TARIKI 2-8 NZERI 2025

Perezida Kagame yavuze uko u Rwanda rusigasira umurage wa Pariki

IBIKURIKIRA URUP.1

Abaturije za Pariki zitandukanye, by’umwihariko Pariki y’Igihugu y’Ibirunga bishimira ko Igihugu kibagenera 10% by’amafaranga ava mu bikorwa by’ukukerugendo, agashorwa by’umwihariko mu bikorwa remezo by’inyungu rusange nk’amashuri, imihanda, amavuriro, gushyigikira ibikorwa by’iterambere rya koperative babumbiweho n’ibindi.

Uko aba baturage bishimira kubona umusaruro w’ubukerugendo burimo n’ubushingiye kuri Pariki, ni ko bongera imbaraga mu kubungabunga urusobe rw’ibinyabuzima ruzibarizwamo, ari na rwo rukururira ba mukerarugendo baturutse imihanda yose kuza gusura ibyiza bitatse u Rwanda.

Politiki yo gusangiza amadovize abatwaga yatangiye mu mwaka wa 2005 ubwo abazituriye bahabwaga 5% mu kubafasha kubona umusaruro utaziguye wo kubungabunga urusobe rw’ibinyabuzima bibakikije.

Mu mwaka wa 2017 icyo gice cy’amadovize cyavuye kuri 5% kigera ku 10% by’inyungu iva mu bukerarugendo buri mwaka, ndetse kugeza mu mwaka wa 2023 icyo gice cyari kimaze kurenga miliyari 1 y’amafaranga y’u Rwanda.

Abaturije Pariki y’Igihugu y’Ibirunga bahamya bungukiye cyane kuri iyo gahunda cyane ko ari Pariki icumbikiye ingagi zo mu misozi zisurwa n’abantu benshi buri mwaka, ari na ho hashingiye umuhango wo Kwita Izina watangiye guhera mu 2005.

Umuhanago wo Kwita Izina ku nshuro ya 20 wabaye ku wa 5 Nzeri 2025, witabirwa n’ibyamamabare mu nzego zitandukanye, impuguke mu kubungabunga urusobe rw’ibinyabuzima, n’abashyitsi mpuzamahanga barimo n’abise amazina abana b’ingagi.

Uwo muhanago wanitabiriwe na Madamu Jeannette Kagame, Minisitiri w’Intebe Dr. Justin Nsengiyumva n’abandi bayobozi batandukanye muri Guverinoma no mu nzego

z’ibanze.

Muri uwo muhanago hiswe amazina abana b’ingagi 40 bavutse mu mwaka wa 2024 n’uwa 2025, kugeza ubu ingangi zibarizwa muri Pariki y’Igihugu y’Ibirunga zikaba zaravuye kuri 880 zabarurwaga mu 2008 zikagera ku 1.063 zibarurwa uyu muni.

Perezida Kagame wasangiye ibya nimugoroba n’abashy-

itsi bitabiriye umuhango wo Kwita Izina ku mugoroba wo ku wa Gatandatu tariki ya 6 Nzeri 2025, yabashimiye agira ati: “Nshuti namwe bafatanyabikorwa; u Rwanda ni iwanyu. Muhawe ikaze ibihe byose.”

Hagati aho, Raporo y’Urwego rushinzwe Iterambere mu Rwanda (RDB) igaragaza ko urwego rw’ubukerarugendo rwinjije miliyari zigera kuri

923 z’amafaranga y’u Rwanda (miliyoni 647 z’amadolari y’Amerika) mu mwaka wa 2024, akaba yariyongereye ku kigero cya 4.3% ugereranyije n’umwaka wabanje.

Muri uyu mwaka wa 2025, biteganyijwe ko ubukerarugendo buzinjiza nibura miliyoni 700 z’amadolari ya Amerika, ni ukuvuga amafaranga asaga miliyari igihumbi.



Perezida Kagame yasangiye n’abashyitsi bitabiriye umuhango wo Kwita Izina ku mugoroba wo ku wa Gatandatu tariki ya 6 Nzeri 2025

RDF yashenguwe n’urupfu rwa Lt Gen Kabandana

IBIKURIKIRA URUP.1

Nyakwigendera Lt. Gen. Kabandana yari umwe mu basore bahagaritse Jenoside yakorewe Abatutsi nyuma yo gutangirana n’abandi basore n’inkumi ba RPA, urugamba rwo kubohora Igihugu mu 1990.

Yakoze akazi gatandukanye mu ngabo z’u Rwanda, harimo kuba yarayoboye umutwe wihariye wa Gisirikare ndetse yanayoboye inzego z’umutekano mu Ntara ya Cabo Delgado muri Mozambique.



Nyakwigendera Lt Gen Innocent Kabandana yakozwe inshingano zitandukanye mu ngabo z’u Rwanda (RDF)

Mu myaka ishize, yakoze imirimo inyuranye kuva mu bikorwa byo kurwana, kuyobora, guha imyitozo abasirikare bari mu butumwa bw’Umuryango w’Abibumbye hirya no hino ku mugabane wa Afurika.

Yabaye kandi umukozi ushinze ibikorwa bya gisirikare muri Ambasade y’u Rwanda i Washington DC.

Nyakwigendera yabaye umuyobozi ushinze imibanire y’ingabo n’abasivili muri Brigade, Umuyobozi Mukuru w’amasomo mu Ishuri Rikuru

rya Gisirikare rya Gako, ndetse n’Umuyobozi Mukuru wa Rwanda Peace Academy.

U Rwanda rugiyeye kunguka indege nto zikora ‘Taxi’



Indege nto zitagira abapilote zikora tagisi zizaba ziri i Kigali mu bihe biri imbere

NTAWITONDA Jean Claude

Urban Air Mobility (UAM).

Mu minsi iri imbere mu kirere cy’Umuyi wa Kigali hazaba hagaragara indege nto zitwara abagenzi mu buryo bwa rusange buzwi nka taxi, mu kurushaho kwimika ubwikorezi bw’abantu n’ibintu bwo mu kirere bwifashisha indege nto zitwara mu miji buzwi nka

Ni ubwikorezi bugiye kuzanwa bwa mbere muri Afurika n’Ikigo cy’Abashinwa cyitwa EHang, kimaze kuba ubukombe ku rwego mpuzamahanga mu ikoranabuhanga rigezweho mu by’indege no gutwara abagenzi mu buryo bwa rusange.

Iyo gahunda igiye gutangirizwa mu Nama Nyafurika ya 9 yiga

ku guteza imbere Ubwikorezi bwo mu Kirere iteranira i Kigali ku wa 4-5 Nzeri 2025, ikaba igiye gushyirwa mu bikorwa ku bufatanye bwa Guverinoma y’u Rwanda n’Ikigo cy’Abashinwa Kizobereye Gukora Imihanda n’Ibiraro (CRBC).

Bivugwa ko Isosiyete Mpuzamahanga ya EHang, ifitanye imikoranire na CRBC isanzwe ikorera mu Rwanda no mu bindi bice by’Afurika no ku Isi mu kurushaho kwagura isoko ryayo ku rwego mpuzamahanga, bakaba baramaze gutangiza indege nto za mbere zikoresha amashanyarazi (eVTOL) zo mu bwoko bwa EH216-S.

Gutangiza umushinga w’indege zikora taxi mu Rwanda, bishimangira umwanya w’u Rwanda wo kuba icyicaro cy’ahager-agerezwa hakanatangirizwa ikoranabuhanga mu by’indege.

Guverinoma y’u Rwanda igaragaza ko mu gufatany

na CRBC bizayifasha kubyaza umusaruro ubunararibonye n’ubuhanga bwayo mu bwenjyeri mu gihe u Rwanda rugamije kubaka uruherekane rw’Ubwikorezi bwo mu Kirere bugezweho (AAM), rikaba ari ikoranabuhanga rigezweho rifasha kugabanya umuvundo w’ibinyabiziga mu mihanda, bugahuza imiryango kandi bugatanga n’uburyo burambye bw’ubwikorezi.

Kugurutsa bwa mbere iyo ndege ya EH216-S bizaba bigize intambwe ikomeye cyane muri Afurika n’akabarore k’amavugurura n’amabwiriza bikenewe kugira ngo ubu bwikorezi burushaho gushinga imizi muri Afurika.

Minisitiri w’Ibikorwa Remezo Dr. Gasore Jimmy, yagize ati: “U Rwanda rukomeje gushyira imbaraga nyinshi mu kubaka ahazaza hahebuje, aho imijyi izaba irushijeho guhuzwa ndetse n’ubukungu bukaba burushaho gutera imbere binyuze mu bisubizo bishya by’ubwikorezi.”

Yakomeje ahamya ko ubufatanye bw’u Rwanda na CRBC butanga umusingi ukomeye wo kuzana ikoranabuhanga rishya n’ubunararibonye.

Ati: “Mu gukorana kuri izo ngendo zo mu kirere z’amateka, ntituri kugaragaza gusa ahazaza h’urwego rw’indege ahubwo turanashimangira ukwiye-meza kwacu mu guteza imbere ikirere cy’ubwikorezi bwo mu kirere butekanye, buteye imbere kandi bugenzurwa kinyamwaga.”

HUANG Oifin, Umuyobozi wa CRBC mu Rwanda, na we yavuze ko batewe ishema no gufatanya na Guverinoma y’u Rwanda muri uyu mushinga ushyigikira icyerekezo cy’Igihugu cyo kuba intangarugero mu ikoranabuhanga rigezweho mu rwego rw’indege.

Ati: “Mu kubyaza umusaruro imbaraga dufite mu bwubatsi n’umubano mpuzamahanga, twiteguye gukorana n’u Rwanda mu kurushaho kugenzura amahirwe ari mu bukungu bucuyiyubaka maze tugahanga uburyo bushya bw’iterambere ku mugabane.”

CRBC ni ikigo gikorera mu bihugu birenga 70 kikaba gitanga serivisi zo kubaka imihanda, ibiraro, ibyambu, imihanda ya gariyamoshi, ibibuga by’indege no kubicunga byose.

Umushinga wa Nyabarongo II witezweho iterambere rishingiye ku ishoramari

KAYITARE Jean Paul

Leta y’u Rwanda yatangaje ko umushinga w’urugomero rwa Nyabarongo II uzatanga amashanyarazi Megawati 43.5, witezweho umusaruro w’iterambere rishingiye ku ishoramari.

Higaniro Theoneste, Umuyobozi ushinze imishinga mu kigo Gishinzwe Ingufu (REG), avuga ko ku rugomero rwa Nyabarongo II hazubakwaka ikiyaga kinini kizafasha mu bukererarugendo ndetse no mu burobyi.

Yongeraho ko umushinga ari igisubizo mu gutanga amashanyarazi ahagije mu Rwanda.

Ati: “Azafasha mu gihugu hose mu rwego rw’iterambere ndetse no kongera ishoramari kuko iyo tumaze kubona amashanyarazi ku ruganda runaka, tuyohereza mu muyoboro mugari (National grid) icyo gihe akaba yagera mu gihugu hose aho dukeneye kuyakoresha.”

REG ifatanyije na Minisitiri y’Ibikorwa remezo bakomeje gushaka uburyo bazakora n’amashanyarazi akomoka ku mirasire y’izuba.

Umushinga w’urugomero rwa Nyabarongo II watanze akazi ku bantu barenga 500 kandi hibanzwe ku batuye mu Turere twa Gakenke na Kamonyi.

Harerimana François wabonye

akazi muri uyu mushinga, avuga ko amaze kwiteza imbere.

Ati: “Mu mibereho yanjye hari ikintu cyazamutseho, naguha urugero, hari igihe umuntu aba afite ikibanza gitoya, ukacyongeraga mu mafaranga umuntu akuyemo hano.”

Mutabazi Epimaeque na we agira ati: “Inahangaha gukodesha twumvaga bitabaho, abatwage bimukiye hafi bubatsemo inzu abavuye kure baje guhahira inahangaha muri Gakenke, barapagasa amafaranga bakayabona, abakodesha inzu barazibona buri wese asigaye afata ku mafaranga.”

Uyu mushinga wa Nyabarongo II ugeze ku kigero cya 52% bikaba biteganyijwe ko uzuzura

mu 2028.

Uzuzura utwaye nibura miliyari 300 Frw azakoreshewa ku bikorwa gusa n’andi miliyari 70 Frw azagendera ku kwimura abatwage.



Urugomero rwa Nyabarongo II ruzagira urihare mu kongera umuriro wamashanyarazi

Kugenda mu ndege si iby’abakire gusa- Perezida Kagame



Byaba byiza kugenda mu ndege bishyizwe ku biciro byorohereza buri wese

ZIGAMA Theoneste

Perezida wa Republika y’u Rwanda Paul Kagame yakebuye abaturage b’Abafurika, yababwiye ko kugenda mu ndege bidakwiye gufatwa n’ibyangenewe abakire gusa, asaba inzego zirebwa n’urwo rwego gushyira hamwe bagakuraho impamvu zituma ingendo zazo zihenda.

Ni ubutumwa yahaye abayobozi batandukanye bitabiriye inama mpuzamahanga Nyafurika ya 9 izwi nka “Aviation Afurika Summit 2025, igamije guteza imbere indege muri Afurika iteraniye i Kigali kuva tariki ya 4 ikazageza ku ya 5 Nzeri 2025.

Umukuru w’Igihugu yabwiye abitabiriye iyo nama basaga 2 000, barimo abakora mu nganda zikora indege, abayobozi b’ibigo by’indege, abahanga mu bwikorezi bwo mu kirere n’abandi ko hashize imyaka myinshi u Rwanda rumenye ko ubwikorezi bwo mu kirere ari inkingi y’iterambere.

Yavuze ko sosiyete y’u Rwanda

ishinzwe ubwikorezi bwo mu kirere (RwandAir), ikomeje kwagura ibyerekezo hirya no hino ku Isi.

Ati: “Nubwo bimeze bityo Umugabane wacu, ukomeje guhura n’ibibazo bijyanye n’ikiguzi gihanitse mu bwikorezi bwo mu kirere, n’ibikorwa remezo bihenze. Ibyo bituma ingendo z’abantu no gutwara imizigo bihenda cyane, bitari bikwiye.

Kugenda mu ndege ntibikwiye guharirwa abakire, dukwiye gushyira hamwe biruseho.”

Yavuze ko u Rwanda rufatanyaga na kompani ya Zepline gukoresha indege zitagira abapilote (drone) nk’uburyo bwo koroshya kugeza imiti ku bayikeneye.

Ati: “Byafashije gutanga serivisi byihuse kandi biyongere ubuzima”.

Yavuze ko kubera ko ubwo buryo bwatanze umusaruro, harimo kwigwa uko bwakwagurwa bugashyirwamo ikoranabuhanga rigezweho.

Perezida Kagame yashimangiye ko kuba ku Mugabane wa Afurika haratangiyeye kugeragezwa indege zitagira abapilote zishobora gutwara abantu nka taxi, [bwatangirijwe muri Afurika bwa mbere, bukabera mu Rwanda], buzafasha uwo mugabane mu iterambere.

Ati: “Twishimiye kwakira ubwo buryo, dutegereje kureba inyungu zizaza mu gihe kiri bikwiye.

Yunzemo ati: “Kuri Afurika icyerekezo kirasobanutse, ni ugushora amafaranga menshi, mu rwego rwo gutwara abantu n’ibintu mu kirere, nk’uburyo bwa ngombwa bwo kugera ku iterambere ry’ubukungu.”

Yakomeje avuga ko kugira ngo ibihugu bifite ubukungu buringaniye bizamuke mu iterambere no guteza imbere urwego rw’ubukerarugendo muri Afurika, hakoreshejwe guteza imbere ubwikorezi bwo mu kirere.

Ati: “Mu mwaka utaha abagenzi bakenera indege muri Afurika,

biteganyijwe ko bazikuba kabiri. Ku mugabane wacu, ingamba zashyizweho kugira ngo bidufungurire amarembo y’ikirere.”

Yibukije ko mu gushyigikira iyo politiki, hashyizweho isoko rusange ry’Afurika ryo gutwara abantu n’ibintu mu kirere, uburyo bwo guteza imbere ingendo zo mu kirere buhuriweho bw’Afurika (AfurikAir Transport Market).

Ati: “Isoko rusange ry’Afurika na ryo ni isoko y’ubukungu, kandi u Rwanda na rwo ruzakomeza kuba umufatanyabikorwa waryo.”

Yijeje ko u Rwanda ruzakomeza gushyiraho amategeko na politiki bibereye urwego rw’ubwikorezi bwo mu kirere kandi ko ruzakomeza no kubishishikariza n’ibindi bihugu.

Ati: “Urugero twakuyeho visa ku baturage bose ba Afurika, gushyigikira abagore n’abakobwa, bakiga ibijyanye n’indege, bikaba ari bimwe mu byo dushyize imbere”.

Umukuru w’Igihugu yavuze ko kuba kugenda mu ndege bitaharirwa abakire, ibyo biramutse bikozwe neza mu bihugu bitandukanye, byaba umusingi ukomeye w’urwego rw’ubwikorezi bwo mu kirere n’isoko yo guhanga ibishya.

Perezida Kagame yemeye sheje abitabiriye inama ya Aviation Summit ko Umuryango w’Afurika Yunze Ubumwe (AU) n’Ikigo gishinzwe Umutekano wo mu Kirere muri Afurika no ku kirwa cya Madagascar (ASECNA), yombi ikwiye gushyigikirwa kugira ngo ibashe gukora neza kandi igere ku ntego zayo, zirimo gufasha Afurika kugera ku kubona uburyo bwo guhuza ingendo zo mu kirere hagamijwe koroshya imigenderanire.

Umuyobozi Mukuru wa ASECNA, Prosper Zo’o Minto’o na we yasabye abitabiriye iyo nama gushyira hamwe mu gushora imari ahari amahirwe yo guteza imbere ubwikorezi bwo mu kirere.

Ati: “Mureke dushyira hamwe dushyigikire umurongo uhari, dushobora kwigirana, kandi dufatanyije dushobora kugera ku ntego twiyemeje.

Dushobora kugera kuri byinshi mu gihe twashyize hamwe kandi ubushobozi turabufite yewe n’umutungo wo kubikora turawufite.”

Inama ya 9 yiga ku iterambere ry’indege muri Afurika irimo kubera rimwe n’imurikabikorwa byo muri uru rwego, ikaba ihuriye hamwe abaturutse mu bigo bikora ingendo zo mu kirere, ibibuga by’indege, n’ibigo bishinzwe iterambere ry’indege, inganda n’abahanga mu by’indege basaga 2 000, baturutse ku mugabane no hanze yawo.

Perezida Kagame yanasuye imurikabikorwa, rihuriye hamwe abamurika basaga 100 bagaragaza umusanzu wabo mu iterambere ry’urwego rw’indege muri Afurika.

KAYITARE Jean Paul

Igitabo ‘The Unity Quest’ cyanditswe na Kayitesi Judence, Umunyarwanda utuye mu Budage, avuga ko cyanditse mu buryo bufasha umwana muto kugisoma agahita yumva, mu buryo bwe kandi bumwo-roheye, Jenoside yakorewe Abatutsi mu 1994.

Kayitesi yabigarutseho ku wa Mbere tariki 01 Nzeri 2025, ubwo yamurikaga ku nshuro ya mbere mu Rwanda igitabo cya gatatu yanditse kivuga ku mateka ya Jenoside yakorewe Abatutsi mu 1994.

Ubwo yamurikaga igitabo ‘Unity Quest’ yagize ati: “Ni impano nahawe n’umutima wo guha urubiyiruko rwacu, ni inkuru yanditswe mu magambo yoroshye ariko ifite ubutumwa bukomeye, ko ubumwe atari amagambo gusa ahubwo ari uburyo bwo kubaho, kubana, no kubaka ejo hazaza.”

Ubwo yandikaga iki gitabo, avuga ko yatekerezaga ku bana baturutse mu mico itandu-

Kigali: Hamuritswe igitabo gifasha abana kumva amateka ya Jenoside

kanye, bicaye hamwe basoma iyi nkuru, bakishimira abo ari bo kandi bakagira amatsiko yo kumenya bagenzi babo.

Agira ati: “Natekerezaga ko bazasobanukirwa ko gukunda, kubahana no gusangira ibyishimo ari wo musingi w’amahoro arambye.”

Mu buhamya bwe, Kayitesi avuga ko Jenoside yamutwaye ibintu, abavandimwe n’inshuti.

Ati: “Natemwe mu mutwe ku buryo natakaje ubushobozi bwo kwibuka no kuvuga ariko muri ibyo byose nize agaciro ko kwihangana, kubabarira no guharanira ubumwe.”

Avuga ko ataheranwe n’aga-hinda kuko nyuma y’imyaka yatangiye gusangiza inkuru ye binyuze mu bitabo.

Igitabo cye cya mbere ‘A broken life’ cyavugaga ubuhamya bwe, urugendo rwo kubaho nyuma y’agahinda n’ibigeragezo.

Intebe y’Inteko Amb Robert Masozera, avuga ko igitabo cya Kayitesi cyahuriranye n’uk-wezi kwa Nzeri kuzakorwamo ibikorwa by’ubukangurambaga bwo gusoma no kwandika.

Yagize ati: “Iki gitabo impamvu twagihisemo, gifite umwihariko kuko ni igitabo kivuga ku mateka aremerewe ariko akab-yandika ku buryo bworoshye kandi ubona bworoheye n’iby-iciro by’abana bato.”

Amb Masozera avuga mu gitabo cya Kayitesi, abwira abana amateka Abatutsi babayemo ariko akagaragaza n’imbaraga bakivomamo mu guhitamo amahoro, ubumwe n’ubuda-

heranwa.

Ati: “Nk’Inteko y’Umuco, ni igitabo duha agaciro cyane, uburyo kibungabunga no gusi-gasira amateka.”



Kayitesi Judence ashyikiriza Intebe y’Inteko igitabo ‘Unity Quest’ yanditse

Kayitesi Judence yavukiye mu yahoze ari Komini Rutongo, ubu ni mu Murenge wa Jali mu Karere ka Gasabo mu Mujiyi wa Kigali.

Abarenga ibihumbi 11 batsinzwe ibizamini bisoza ayisumbuye



Abanyeshuri bakoze ibizamini bya Leta bisoza ayisumbuye hatsinzwemo abasaga ibihumbi 11

KAMALIZA Agnes

Minisiteri y’Ubu-rezi (MINEDUC) yatangaje ko mu banyeshuri 106.078

bakoze ibizamini bya Leta bisoza amashuri yisumbuye mu mwaka w’amashuri 2024/2025 abangana na 11.669 batsinzwe bakaba nta mpamyabumenyi babonye.

Abo banyeshuri baje biyongera ku bandi 19 552 batsinzwe ibizamini bya Leta mu mwaka ushize wa 2023/2024 nubwo 5 283 muri bo bongeye gukora nk’abakandida bigenga.

Nubwo imibare y’abatagira impamyabumenyi kandi barize ikomeje kwiyongera, MINEDUC ibagira inama gusibira ngo barebe ko bazatsinda ubutaha.

Ubwo hatangazwaga amanota y’ibizamini bya leta bisoza ayisumbuye kuri uyu wa 01 Nzeri 2025, Minisitiri w’Uburezi Nsengimana Joseph, yavuze ko abatsinzwe ibizamini bya Leta muri uyu mwaka atari benshi ariko inama yabagira ari ugusi-bira.

Yagize ati: “Inama nabagira

imyanya irahari bashobora gusubira ku ishuri bagasibira bagafashwa kugira ngo na bo bakomeze amashuri yabo.”

Yavuze ko hari bamwe mu bajya basibira haba ari abakomereza mu bakandida bigenga cyangwa ku mashuri bigagaho kandi bakongera gukora ibizamini bagatsinda.

Imibare ya MINEDUC igaragaza ko muri uyu mwaka abanye-shuri 11 bagize amanota ari hagati ya 0-10, barindwi bagira hagati ya 10-20, 151 bagira amanota ari hagati ya 20-30, 1 abatsinzwe ibizamini bya Leta muri uyu mwaka atari benshi ariko inama yabagira ari ugusi-bira.

Ku biyanye n’uko batsinze mu byiciro, abiga mu mashuri ya

tekiniki, imyuga n’ubumeny-in-giro (TSS), abiyandikishije bari 36.254, hakora 36.141, hakosorwa 36.130, abatsinze muri bo ni 35.393 bari ku kiger-eranyo cya 98.0%.

Abiyandikishije gukora ibizamini mu mashuri y’ubu-menyi rusange bari 61.942, hakora 61 737, hakosorwa 61 683, aho abatsinze ari 51 667 bari ku gipimo cya 83.8%.

Ni mu gihe abiyandikishije gukora ibizamini mu masomo mbonezamwuga, (Professional Education) bari 8 222, hakaba harakoze 8.201, hagakosorwa 8.184, hatsinda 7 349 bari ku gipimo cya 89.8%.

Abanyeshuri 438 bigaga Ubuforomo bose baratsinze, mu gihe 3 829 bigaga mu mashuri nderabarezi (TTC) abatarabashije kugira 50% asabwa ari barindwi.

Mu banyeshuri bigaga icun-gamutungo abakoze 3 916 muri bo abatsinzwe ni 825.

Imvaho Nshya

Soma Usobanukirwe Buri Muns

Ijambo ry’Ibanze

Ibyari inzoz

ku

Banyarwanda

byatangiye kuba

impamo

Mu mwaka wa 2050, waba wibaza uburyo uzaba urimo? Muri uwo mwaka se utekerez

Mbere yo kugera muri uwo mwaka hari bimwe mu byo Aban-yarwanda babonaga kuri za televiziyo cyangwa muri za filime byatangiye kuba impamo, aho mu bihe biri imbere indege nto zitagira abapilote zikora mu buryo bwa tagisi zizaba zitwara abagenzi mu Mujiyi wa Kigali.

Uretse n’ibyo, mu mwaka utaha wa 2026 indege nto zitagira abapilote z’ikigo Zipline zisanzwe zitwara amaraso, n’izindi serivisi z’ubuvuzi, zizaba zigeza ku baturage bo mu mijyi ibicuruzwa bahaha mu maguriro atandukanye.

Ibyo ntibizaba bikigoranye kuko bitazaba bigisaba kwigira guhaha ahubwo ukoresheje telefoni cyangwa mudasobwa, ibicuruzwa ushaka bizajya bikugereraho ku gihe.

Muri ibyo bicuruzwa byahashwe bishobora kuzaba birimo ibiribwa cyangwa imiti igurwa muri za farumasi, aho mu minota mike cyane umuturage azajya abona ibyo yasabye bimugezeho ku muryango.

Ibyo birajyana n’uko hazaba hari impinduka zidasanzwe mu miturire, imikorere n’imiterere y’iterambere ry’abaturage muri rusange, kuko iyo urebye ibishushanyombonera by’im-turire iteganyijwe mu Mujiyi wa Kigali, icyo gihe abadashobora gutura mu miturirwa bizakorana kuba mu bice binyuranye by’u Rwanda.

Imibereho nk’iyo yiganjemo gukoresha ikoranabuhanga n’imi-bereho ishingiy

Uko iminsi ishira indi igataha, ni ko bigenda bigaragara neza ko imibereho ishingiy

Mu Isi nshya Abanyarwanda twinjiramo, birakwiye ko buri wese akwiye gutangira kwihugura kugira ngo igihe kitaza-dutungura, bikazagora benshi kuba mu mibereho yimakaje ubukungu bushingiy

RwandAir igiye gutangira ingendo i Mombasa na Zanzibar

ZIGAMA Theoneste

*I*sosiyete y’u Rwanda ikora ubwikorezi bwo mu Kirere (RwandAir) yatangaje ko igiye gutangiza ingendo nshya mu byerekezo bibiri biya i Mombasa muri Kenya no ku kirwa cya Zanzibar muri Tanzania, bitarenze mu mpera z’um-waka wa 2025.

Ni mu rwego rwo kwagura uburyo bwo guhuza akarere n’Isi yose ndetse no kongera umubare w’abagenzi n’ibi-curuzwa isanzwe itwara.

Umuyobozi Mukuru wa Rwan-dAir, Makolo Manzi Yvonne yabitangarije mu nama ya 9 yiga ku guteza imbere indege muri Afurika (Aviation Africa Summit & Exhibition 2025) yari imaze iminsi 2, iteraniye i Kigali kuva tariki ya 4-5 Nzeri 2025.

Makolo yashimangiye ko umubare w’abagenzi n’ib-icuruzwa byabo, bakenera indege z’u Rwanda by’umwi-hariko abajya mu Karere u Rwanda rurimo ukomeje kwiy-ongera.

Yumvikanishije ko RwandaAir iri kongera kuzahuka nyuma y’um-waka w’ingorane, zishingiye ku gufungwa kw’ikirere cya Repubulika Iharanira Demo-karasi ya Congo, byateye ihungabana mu ngendo ndetse bituma basubiramo igenami-gambi ry’urugendo rw’indege.

Yagize ati: “Twashatse guhagarika zimwe mu ngendo, ariko turongera gufungura izindi mu Burasirazuba. Mombasa na Zanzibar ni zo ziri hafi cyane gutangira bitarenze mu mpera z’uyu mwaka wa 2025.”

Yakomeje agira ati: “Turi kubona izamuka rikomeye ry’abakenera indege. Muri iyi mpeshyi byagenze neza cyane kandi dutegereje ko bizako-meza. Hari ubushake bwinshi ku ruhande rw’abagenzi no ku rw’ibyoherezwa mu ndege. Ni yo mpamvu twishimiye cyane ejo hazaza h’iterambere rya RwandaAir.”

RwandAir itangaza ko igiye gutangiza ingendo nshya, nyuma y’igihe kitarenze ibyum-weru 2, ivuze ko yungutse indege ebyiri zo mu bwoko bwa Boeing 737-800.

Indege imwe ifite imyanya 12 yo mu cyiciro cy’abanyacyubahiro (Business Class) n’imyanya 162 yo mu cyiciro cy’ibiciro bihen-dutse (Economy Class), zikaba zifite ubushobozi bwo gutwara abagenzi 348 muri rusange.

RwandAir yatangaje ko izo ndege zizakoreshewa cyane mu ngendo ngufi n’iziranganiye.

RwandAir ishima ubufatanye igirana na kompani z’ibindi bihugu

Makolo yagize ati: “Ingendo ndende zacu, urugendo rwa London mu Bwongereza na Doha muri Qatar ziri kugenda neza cyane. Ndetse n’urugendo rwo mu Burayi hamwe n’in-gendo z’akarere nka Entebbe, Nairobi, Dar es Salaam, Bujum-bura, zose ziri gukora neza cyane.”

Yongeyeho ko ubufatanye bwa RwandaAir na Qatar Airways mu biyanye no gusangira indege (code-share agreement) ari ingenzi cyane, kuko butuma abagenzi bagera aho bajya nta ndege nshya RwandaAir ishyize mu kirere.

Makolo yagize ati: “RwandAir nk’indege nto ikora ingendo zisaga 20 ku giti cyayo. Ariko kubera ubwo bufatanye dufite bwongeraho izindi ngendo



Indege za RwandaAir zigiye gutangira ingendo muri Zanzibar na Mombasa

Hagaragajwe ko urubwiruko ari inkingi ya mwamba mu kwihaza mu biribwa kw’Afurika

NYIRANEZA Judith

Abayobozi batandukanye bitabiriye Inama yiga ku guteza imbere ibiribwa muri Afurika, bagaragaje ko urubwiruko rufite uruhare runini mu iterambere ry’ubuhinzi ku Mugabane wa Afurika, rusabwa gufata iya mbere mu kubukora mu buryo buteye imbere by’umwihariko hakoreshewa ikoranabuhanga.



Mu nama yiga ku guteza imbere ibiribwa muri Afurika, hagaragajwe ko urubwiruko ari ingenzi

Afurika ndetse bagasagurira n’indi migabane.

Umuyobozi Mukuru w’Ihuri nyafurika rishinzwe guteza imbere uruhererane rw’ibiribwa (AFS), Amath

Oathe Sene yavuze ko urubwiruko rufite uruhare mu guteza imbere ubuhinzi, bahanga udushya, ubuhinzi bugakorwa mu buryo bw’ikoranabuhanga

Ati: “Iyi nama yihariye iduhuriye hamwe itanga amahirwe, iradufasha gushyiraho gahunda y’Umugabane wa Afurika mu bijyanye n’ubushobozi, ubushakashatsi, ubufatanye, imiyoborere, guhura tugashyiraho gahunda y’uburyo twajya duhererekanya ibyiza hagati yacu mu guteza imbere ubuhinzi.”

Yongeyeho ati: “Duhuye ngo tuvugurure kwiyezeho guhuriweho ngo urubwiruko rw’Afurika ruhindure ubuhinzi, bugane mu cyerekezo urubwiruko ruzaha urwo rwego, icyerekezo gituma umugabane wihaza mu biribwa. Guhitamo insanganyamatsiko y’uyu mwaka yibanze ku rubwiruko iruhamagarira kugira uruhare mu guteza imbere ubuhinzi muri Afurika.”

Yavuze kandi ko baganiriye ku buryo urubwiruko rugira inshingano, ari mu bahinzi, mu bahanga udushya, mu bucuruzi

kugira ngo urubwiruko n’abagore babone imirimo, kuko urubwiruko rufite imbaraga zo gukora, rukaba ari rwo moteri y’impinduka, ubuhinzi bukagarara nka business, ikibazo ni ukugira ubufatanye n’ahandi

hose ku Isi.

Icyumweru iyo nama izamara, ni inama y’ishoramari ku buryo ubuhinzi bugaragara nka business.

Perezida w’Ihuri Nyafurika riharanira impinduka mu buhinzi (AGRA) Alice Ruhweza, yavuze ko iyo nama igamije kongera ingufu mu bikorwa bijyanye no kwihaza mu biribwa.

Yagize ati: “Turi hano ngo twongere imbaraga kandi twishimire ibyagezweho, twageze kuri byinshi aho abahinzi bato bakoresha kuhira mu buryo buciriritse, ariko ubuhinzi buteye imbere hakoreshewa tekini nshya zihangana n’amapfa.

Urubwiruko n’imbaduko rujye mu buhinzi, rutegure ejo hazaza ku bazabaho mu bihe biri imbere n’Umugabane wa Afurika wihaze mu biribwa.”

Iyo nama ifite insanganyamatsiko igira iti, “Urubwiruko rw’Afurika ruyoboye Ubufatanye, Guhanga ibishya no gushyira mu bikorwa iterambere ry’Uruhererane rw’Ubuhinzi n’Ibiribwa.”

Aya magare yatanze by’umwihariko mu gushakira umuti imbogamizi mu ngendo z’abayobozi b’inze z’ibanze, akaba anitezweho koroshya ihuzabikorwa ry’imirimo y’ubuyobozi no kongerera imbaraga ingamba z’umutekano zafashwe mu mujyi no mu nkengero zawo.



Abayobozi b’Imidugudu bishimiye inkunga y’amagare bahawe n’Inzego z’Umutekano z’u Rwanda

AMAKURU

AMAKURU

U Rwanda n’u Bushinwa basinyanye amasezerano y’ubufatanye mu by’ubutabera



U Rwanda n’u Bushinwa basinyanye amasezerano mu bijyanye n’ubutabera

NYIRANEZA Judith

U Rwanda n’u Bushinwa basinyanye amasezerano y’ubufatanye mu birebana n’ubutabera, hagati y’Ikigo cy’u Rwanda cy’ibimenyetso bishingiye ku Bumenyi n’Ubuhanza bikoreshewa mu butabera (RFI) n’Ikigo cyo mu Bushinwa gipima uturemangingo ndangasano (DNA Service Center (Hong Kong).

IMVAHO NSHYA NO: E-29 |

IMVAHO NSHYA NO: E-29 |TARIKI 2-8 NZERI 2025

guteza imbere ubutabera no kurengera abatubage bacu. Hamwe n’u Bushinwa, twashyizeho urufatiro rw’u Rwanda nk’ihuriro ry’akarere ry’icyitegererezo mu by’amategeko.”

U Rwanda n’u Bushinwa ni ibihugu bisanzwe bifitanye umubano n’ubutwererane mu nzego zitandukanye, binyuze mu bikorwa remezo birimo kunoza imikoranire mu kubaka ibikorwa remezo nk’aho Ubushinwa bwubatswe urugomero rw’amashanyarazi rwa Nyabarongo ya II, rutanga megawati 28.

Mu bikorwa by’ubuhinzi bugamije kunoza imirire myiza, u Bushinwa bwagejeje mu Rwanda umushinga wo guhanga ibihumyo, ubu bikaba ari umushinga witabirwa cyane n’abahinzi babigize umwuga mu Rwanda.

Hari kandi kuba haranubatswe uruganda rwa Sima mu Rwanda, ubu rukora sima nziza mu Karere ka Muhanga ikaba iziba icyuho cyo gutumiza sima hanze y’u Rwanda, rwatanze akazi ku Banyarwanda, runazamura ubukungu muri rusange.

Minisitiri Dr Ugirashabura yagize ati: “Ni intambwe ikomeye ku Rwanda, kongera ubushobozi bw’ubutabera,

Dipolome z’abatsinze ibizamini bya Leta zizatangwa mu Kwakira



Umuyobozi wa NESA, Dr Bahati Bernard yatangaje ko dipolome z’abatsinze zizatangwa mu Kwakira 2025

ZIGAMA Theoneste

Ikigo cy’Igihugu gishinzwe ibizamini n’Ubugenzuzi bw’Amashuri (NESA) cyatangaje ko guhera mu kwezi k’Ukwakira 2025, kizatangira gutanga impanyabumenyi n’impamyabushobozi (dipolome) ku banyeshuri batsinze ibizamini bya Leta bisoza amashuri yisumbuye by’umwaka w’amashuri wa 2024/2025.

Ugereranyije n’umwaka wabanje, amanota y’abatsinze yiyongereyeho 10.5%, bikerakana intambwe ikomeye mu rwego rw’uburezi mu Rwanda.

NESA yanibukije ko abakandida batanyuzwe n’amanota yabo bashobora gusaba ko asubirwamo.

Abanyeshuri biyandikishirije ku mashuri bagomba kubinyuza ku buyobozi bw’ishuri, mu gihe abakandida bigenga bakoresha urubuga rwa SDMS.

Umuyobozi Mukuru wa NESA Dr. Bernard Bahati, yatangaje ko umunyeshuri wese ushaka guhabwa impamyabumenyi agomba kuba yaragejeje nibura ku manota 50% ku bizamini byose bya Leta ku biga ubumenyi rusange.

Ubusabe bugomba kuba bwatanze mu minsi 30 uhereye igihe amanota yatangarijwe. Nyuma y’icyo gihe sisitemu izafungwa kandi nta busabe buzaba bwamewe kwakirwa.

Ni mu gihe ku banyeshuri biga amasomo ya tekini, imyuga n’ubumenyingiro (TVET), uzahabwa impamyabushobozi asabwa kugira amanota atari munsi ya 70% mu bizamini ngiro yakozwe.

Minisitiri y’Ubuzezi iheruka gutangaza ko abanyeshuri biyandikishije gukora ibizamini bya Leta bisoza amashuri yisumbuye mu 2024/2025, bari 106 079, abakozwe bangana na 105 997, muri bo 94 409 batsinze, bingana na 89.1%.

NESA yemeje ko iri suzumwa ry’amanota rizakomeza gukorwa mu gihe cyagenwe, icyakora ngo ntibizatumaga gutangwa kw’impamyabumenyi n’impamyabushobozi bitinda.

Abanyereje umutungo bateje Leta igihombo cya miliyari 10.4 Frw



Kunyereza amafaranga bihanwa n’amategeko

KAYITARE Jean Paul

Imibare ya Minisiteri y’Ubutabera igaragaza ko kuva mu 2016-2023, ibyaha byo kunyereza umutungo, gutanga isoko bitanyuze mu ipiganwa n’ib-yaha bya ruswa, byateje Leta igihombo cya miliyari 10.4 Frw, muri yo hamaze kugaruzwa miliyari 2.2 Frw.

Ibyaha byo kunyereza umutungo wa Leta byahombeje Igihugu arenga miliyari 7.4 Frw, ibyaha byo gutanga amasoko bitanyuze mu ipiganwa biyihombya arenga miliyari 1.8 Frw, ibyaha bya ruswa bihombya Igihugu miliyoni 186 Frw.

Ni mu gihe kuva mu 2013-2025 hamaze kugaruzwa 15 400 000 000 Frw. Umwaka wa 2021/2022 ni bwo Leta yagaruje amafaranga menshi kuko yagaruje 3 300 000 000 Frw hakaba hakiri 16 600 000 000 Frw zigi-kurikiranwa nk’umwenda ugomba kwishyurwa n’abat-sinzwe imanza baburanaga na Leta, naho 8 400 000 000 Frw zo ngo byamaze kugaragara ko zitazishyurwa.

Perezida wa Komisiyo y’Umutwe w’Abadepite ishinze kuzenza ikoreshwa ry’imari ya Leta, PAC, Hon Valens Muhakwa, avuga ko hari amakosa avamo ibyaha bituma bamwe mu bayobozi bagezwa imbere y’ubutabera kugira ngo baryozwe ibyagushije Leta mu gihombo.

Agira ati: “Muri raporo uko tugenda tuzishyikirizwa tubona

ko hari ibikorwa biba byara-bayemo bishobora no kuvamo amakosa yabyara ibyaha byo kunyereza umutungo. Ni yo mpamvu burya no mu myanzuro dushyikiriza Inteko rusange ngo ifateho imyanzuro ibone gushyirwa mu bikorwa. Buriya haba harimo igice cy’imyanzuro ishyikirizwa ubushinjacyaha kugira ngo nabwo bukurikirane mu butabera aho tubona bake-kwaho ayo makosa yabyara ibyaha.”

Mu mwaka w’ubucamanza wa 2024/2025 urangiye, dosiye ubushinjacyaha bwakiriye ziga-ragaza ko uburemere bw’ibyaha bimunga ubukungu bw’igihugu bikomeje kwiyongera.

Umushinjacyaha Mukuru Angelique Habyarimana agira ati: “Mu byaha bimunga ubukungu bw’igihugu, ubushinjacyaha bwakiriye amadosiye 1 252, muri yo 1 153 yafatiwe umwanzuro bivuze ko bihwanye na 92% by’amadosiye yose yakiriwe.”

Mu manza 620 zasomwe, ubushinjacyaha bwashoboye gutsindamo 521.

Umuyobozi Mukuru w’Umury-ango Mpuzamahanga urwanyarurwa n’akarengane ishami ry’u Rwanda, Ingabire Marie Immaculée, avuga ko abanyereza umutungo wa Leta badakwiye kwihanganirwa.

Agira ati: “Iyo ufashe raporo y’Umugenzuzi Mukuru w’Imari ya Leta, ndabyemera nanjye

kuko tujya tuyisesengura, hari icyaha ureba ukabona mu by’ukuri harimo amakosa y’akazi ntabwo harimo icyaha cyatuma bakurikiranwa ariko noneho kuki ayo makosa akuga-ragaraho ukaguma aho, ni wowe kampara?

Wari ukwiye kuba wigiye ku ruhande ukabisa n’abandi Banyarwanda bakagerageza kuko abaturage erega twagute-reye icyizere, wakabaye nawe ubona ko uhicaranye umugayo. Bigufunga, biguca amande ariko nibagukure muri uwo murimo.”

Imibare ya Minisiteri y’Ubut-abera igaragaza ko imbaraga Leta ikomeje gushyira mu bikorwa byo gukurikirana abanyereza umutungo w’igi-hugu.

Umukozi ushinze imanza za Leta muri Minisiteri y’Ubut-abera, Spéciose Kabibi, agaragaza ko ikibagora ari uko abatsindwa imanza usanga imitungo yabo iba yaranditswe ku bandi bantu bityo Leta ibakura icyo yiyishyura.

Abandi yerekana ko baba baratanze imitungo yabo nk’in-gwate mu mabanki n’ibindi, icyakoye yemeza ko abanyereza umutungo w’Igihugu ntaho bazacikira ubutabera.

Ati: “Hari abishyura, hari abo tugirana amasezerano yo kwishyura mu byiciro bakayubahiriza ariko na ba bandi badashobora kwizana nabo tukagera ku mitungo yabo igashyirwaho itambama, batashobora no kuza bikagera n’aho imitungo yabo itezwa cyamunara.”

Akomeza agira avuga ati: “Ubutumwa tuba dushaka gutanga, ni ukuvuga ngo aho muri hose, mu gihe cyose hari amafaranga mwaciwe, ni uko tuzabageraho, mwakwihisha he, mwajya he, tuzabageraho.

Icyiza ni uko mwakwegera Leta mukayishyura ku neza cyangwa se tukumvikana uburyo mush-obora kugenda mwishyura mu byiciro.”



Bamwe mu bana bayobora abandi bavuga ko bikwiye gukemura ibitera abana kujya mu muhanda kuruta kubashyira mu yindi miryango

Hatangijwe poro-garamu ya telefoni itanga uburere buboneye mu Rwanda

MUTETERAZINA Shifah

Minisiteri y’Ubu-ringanire n’Iterambere ry’Umuryango (MIGE-PROF), ifatanyije n’Ikigo cy’Igihugu Gishinzwe Imikurire no Kurengera Umwana (NCDA) n’abandi bafatanyabikorwa, batangije porogaramu ya telefoni ‘Tetero Mobile App’, igamije gutanga amakuru afasha ababyeyi kurera neza.

Mu gihe telefoni yabaye kimwe mu bikoresho ababyeyi bare-resha abana babo, Guverinoma y’u Rwanda yasanze hakwiye kubaho uburyo bwihariye bufasha abana kubonera uburere muri izo telefoni aho kubabera ibirangaza bibabata.

Ni gahunda yafunguwe ku mugaragaru ku wa Kane tariki ya 4 Nzeri 2025, ubwo habaga ibiganiri nyunguranabite-kerezo byibanze ku buryo ababyeyi bakwiye kwita ku mikurire y’umwana n’uburere buboneye, banamurinda ihoho-terwa iryo ari ryo ryose.

Mujawimwana Eugenie, umubyeyi ufite umwana uri mu nsi y’imyaka irindwi, avuga ko yishimiye cyane iyo gahunda kubera ko hari ibyo ije kuba-fasha.

Ati: “Ni gahunda nziza kuko iyi poroguramu batuzaniye nibura uzajya uha umwana telefone umushyiriremo n’ibyo areba ubimugenere kurusha uko wayimuhaga cyangwa yanayi-fata akareba ibyo abonye.”

Nabonye ifite uburyo iteyemo bwiza kuko ibirimo byose bigendanye n’imyaka, ntabwo wafata umwana ufite imyaka 10 ngo umwereke iby’ufite imyaka itanu, urumva ko n’um-wana ntibyabirambirwa.”

Umuyobozi Mukuru w’Ikigo cy’Igihugu gishinzwe Imikurire no Kurengera Umwana (NCDA), Ingabire Assumpta, yavuze ku ntego y’inama yatangarijwemo iyo Porogaramu nshya, asaba Abanyarwanda gushyira mu bikorwa ibyo bahungikiye.

Ati “Uburere buboneye ubundi butangwa n’umubyeyi, ariko se azi icyo gukora muri iki gihe turimo, kijyanye n’iki gihe turimo? Twifuje gutegura iyi nama kugira ngo tubigani-reho kandi tubwizanye ukuri kugira ngo twibaze ngo ni gute twarera abana bacu neza.”

Minisitiri w’Uburin-ganire n’Iterambere ry’Umuryango (MIGEPROF), Uwimana Consolée, avuga

KOMEZA KU RUP.11

Hatangi-jwe po-rogara-mu ya telefoni itan-ga ubu-rere bubon-eye mu Rwanda

IBIKURIKIRA URUP.10

ko Itetero App igiye kuba igisubizo mu guha ababyeyi amakuru yizewe mu kurera abana babo.

Ati: “Uyu muni dushyizeho Porogaramu, dutekereza ko izaduha amakuru mu bijyanye no kurera neza umwana ariko ibyo dukora byose kugira ngo muibikore kandi bigire impinduka, biradusaba gufatanyana no kugira ibibazo by’umuryango ibyacu buri wese akabigira ibye.”

Poroguramu ya ‘Itetero App’ yatangijwe, mu gihe hari hashize imyaka 10 kuri Radio na Televiziyo y’u Rwanda hacaho ikiganiri cyitwa itetero mu rwego rwo kwigisha abana binyuze mu mikino n’indirimo no gukan-gurira ababyeyi kwita ku burenganzira bw’umwana.

Minisitiri Uwimana yasabye ababyeyi kuzirika inshingano zabo zo kwita ku bana bakabate-gurira ahazaza heza, cyane ko ababyeyi ari bo bari ku ruhembe rw’imbere mu kurera.

Miliyari 70 Frw zagenewe kwimura abatuye ahazubakwa urugomero rwa Nyabarongo II

ZIGAMA Theoneste

Guverinoma y’u Rwanda yateganyije miliyari 70 z’amafaranga y’u Rwanda, azakoreshe mu bikorwa byo kwimura abaturage, ahazubakwa urugomero rwa Nyabarongo II, rwitezweho gutanga Magawati 43.5 rukanarema ububiko bw’amazi bw’iki-yaga cya metero kibe miliyoni 800.

Ni urugomero ruzaba ari rumwe mu mishinga minini mu gihugu mu by’ingufu z’amashan-yarazi, ubwikorezi bwo mu mazi, siporo, ubu-kerarugendo no kuhira imyaka, uzaba ubarizwa ku bilometero 67 bikora ku Turere twa Nyaru-enge, Rulinda, Gak-enke, Muhanga, Kam-onyi, Nyabihu, Ngororero na Musanze.

Umuyobozi Muku-ru w’ Ikigo gishinzwe Ibikorwaremezo byo gukwirakwiza Umuriro w’Amashyanyarazi (EDCL), Felix Gaku-ba, yavuze ko bamwe mu baturage bamaze kwishyurwa ndetse bakimurwa, mu gihe abandi bafite ibiba-zo by’ibyangombwa bituzuye basabwa kuzu-za ibisabwa kugira ngo na bo bishyurwe.

Yagize ati: “Ku batur-age bazagirwaho ing-aruka n’ikiyaga cy’uru-gomero, imitungo yabo

n’imibereho yabo biri gukusanyirizwa amakuru. Bazimurirwa mu midugu-du igezweho izubakwa hafi y’aho bari basanzwe batuye kandi bahabwe ibikorwa remezo byose by’ibanze birimo amashuri n’ibigo nderabuzima.”

Yakomeje ashimangira ko abo baturage bazanabona inyungu mu bikorwa by’ubukungu bizakomoka kuri uru rugomero, byiy-ongera ku ngurane bazaba bahawe

Urukuta rw’urugomero ruri kubakwa hagati y’Akarere ka Kamonyi mu Murenge wa Ngamba n’aka Gakenke mu Murenge wa Muhondo.

Biteganyijwe ko uruzi ru-zavamo ruzaba rufite ubu-so bwa kilometero kare zikabakaba 30, rufite ubu-jyakuzimu bwa metero 59 kandi by’ibyangombwa bituzuye basabwa kuzu-za ibisabwa kugira ngo na bo bishyurwe.

Uyu mushinga uzubaka urugomero rwa Nyabaron-go II ruzatanga megawa-ti 43.5 z’amashanyarazi, runuhire hegitari 20 000, kandi unafashe mu bworozu bw’amafi, ubwikorezi bwo mu mazi n’ibindi bikorwa by’ubukungu.

Inzego z’ubuyobozi zivuga ko ibizimurwaho biri-mo ubutaka n’inzu, bikaba biteganyijwe ko imiryan-go igera ku 3 400 ari yo izimurwa.

Ni umushinga witezweho guha akazi Abanyarwan-da bagera ku 1000, aho iyo mirimo yo kurwubaka izatwara amafaranga y’u Rwanda asaga miliyari 320, hatabariwemo amafaranga yo kwimura abaturage.

Gakuba yagize ati: “Mu gihe cy’imvura ubwo uru-gomero ruzaba ruhan-gwa, amazi azajya agabanyu-ka ariko bidateza ikibazo, kuko bizakorwa mu gihe cy’imvura kandi mu gihe cy’amezi atanu, bityo nta kubura amazi kuzabaho.”

Yongeyeho ko buri gihe harebwa uko ingaruka mbi zagabanyuka ugereranyije n’inyungu z’umushinga.

Ati: “Hari uduce duto tuz-agirwaho ingaruka n’uru-gomero, ariko turakorana n’Ikigo gishinzwe Mine, Gaz na Peteroli mu Rwan-da kugira ngo hatagira ufite uruhushya rwo gucukura, uzabikora mu buryo bu-taribwo.”



Hazahangwa ikiyaga gishya kizatanga ingufu z’amashan-yarazi ku bwinshi

U Rwanda rwungutse hafi miliyari 180 Frw mu bukerarugendo bushingiye ku ndege



Ubukerarugendo bushyigikiwe n’indege mu Rwanda bwagize uruhare rwa miliyari 179.8 Frw

ZIGAMA Theoneste

Ubushakashatsi bushya bwakozwe n’Ikingo Mpuzamahanga gishinzwe ingendo zo mu Kirere (IATA), bugaragaza ko ubukerarugendo bushyigikiwe n’indege mu Rwanda bwagize uruhare rwa miliyoni z’amadolari ya Amerika 124.9 (ni ukuvuga hafi miliyari 179.8 Frw) mu musaruro mbumbe w’Igihugu ndetse bukabu butanga akazi ku bantu 29 000 mu Rwanda.

Ni ubushakashatsi bwamurikiwe mu nama ya Aviation Africa Summit yiga ku iterambere ry’indege muri Afurika yabereye i Kigali kuva tariki ya 4-5 Nzeri 2025.

Raporo y’ubwo bushakashatsi yiswe “The Value of Air Transport to Rwanda”, yakusanyije imibare y’umwaka wa 2023, yerekana ko hari uburyo butandukanye bwo gupima uruhare rw’ingendo z’indege mu bukungu bw’igihugu.

Ibipimo by’ingenzi bibiri ni umubare w’akazi n’umusanzu mu musaruro mbumbe w’igihugu utangwa n’urwego rw’ingendo z’indege, harimo kompanyi z’indege, abacunga ibibuga by’indege n’ibigo bikoreramo, abatanga serivisi zo kuyobora indege mu kirere ndetse n’inganda zikora ibikoresheho byazo.

Mu Rwanda, ubushakashatsi bwerekana ko nibura abantu 2 900 bakora muri uru rwego mu buryo buhoraho, batangaamadolari ya Amerika miliyoni 8.9, bingana na 0.1% by’umusanzu mbumbe wose.

Indi nyungu ikomoka ku musaruro w’urwego rwagutse, amafaranga akoreshwa n’abakozi ndetse n’ubukerarugendo, byose hamwe bitangaamadolari ya Amerika miliyoni 160.1 mu musaruro mbumbe w’igihugu ndetse n’akazi ku bantu 42 000.

Ubukerarugendo bushyigikiwe n’ingendo z’indege butanga

amadolari ya Amerika miliyoni 124.9 mu musaruro mbumbe w’igihugu kandi butanga akazi ku bantu 29 000.

Iyo raporo ikomeza ivuga ko ba mukerarugendo mpuzamahanga basura u Rwanda bagira uruhare rw’amadolari ya Amerika miliyoni 688 buri mwaka mu bukungu, binyuze mu kugura ibicuruzwa na serivisi z’abacuruzi b’imbere mu gihugu.

Ingendo zo mu ndege zitanga inyungu nyinshi zinyuranye, aho zigira uruhare runini mu ntego z’iterambere rirambye z’Umuryango w’Abibumbye (SDGs).

Ingendo z’indege zorohereza uburezi, zihuza inshuti n’imiryango, zifasha gusangira imico no guteza imbere imibereho y’abaturage.

Iyo raporo igira iti. “Izi mbaraga zikomatananyije zituma igihugu cyongera ubushobozi bwacyo bwo gukora, bikagira uruhare

mu iterambere ry’igihe kirekire no mu kugabanya ubukene ndetse no kuzamura imibereho y’abaturage bose.”

Indege zigira uruhare rukomeye mu iterambere ry’amakoperative y’ubucuruzi n’imiyoboro y’ubwikorezi, ndetse no mu guteza imbere ubucuruzi bwo kuri internet.

Ubushakashatsi bugaragaza ko toni 16 500 z’ibicuruzwa by’indege byanyuze ku bibuga by’indege byo mu Rwanda mu 2023, bigira uruhare mu byoherezwa no kuzana ibicuruzwa.

Raporo iti: “Igihe hari urusobe rw’ingendo rwagutse, rubasha guhindura ubuzima n’imibereho y’abaturage. Mu guhuza abantu baturuka mu mijyi itandukanye mu buryo bwihuse kandi bwizewe, indege zitanga inyungu ku bakiliya ndetse no ku bukungu muri rusange.

Zifatanya kugabanya intera, gutuma ubuzima burushaho

kuba bwiza no gusangira imico. Mu bice by’icyaro n’ahitaruye, indege zitanga umurongo w’ingenzi wo kubona serivisi nk’ubuvuzi, uburezi ndetse n’akazi.”

IATA yagaragaje ko ingendo mpuzamahanga zagize 95% by’ingendo zose zavuye cyangwa zerekeje mu Rwanda mu 2023, bingana n’abagenzi 447 400.

Afurika ni ryo soko rinini mu ngendo mpuzamahanga zituruka mu Rwanda, ikurikirwa n’u Burayi na Amerika ya Ruguru.

Ubwo bushakashatsi bugaragaza ko hafi abagenzi 249 800 basohotse mu Rwanda berekeza mu kindi gihugu cyo muri Afurika (bingana na 56% byose); 92 800 berekeza i Burayi (21%), naho 47 600 berekeza muri Amerika ya Ruguru (11%).

Imijyi 10 ikunze kuganwa cyane n’abagenzi bavuye mu Rwanda irimo Nairobi muri Kenya, Entebbe muri Uganda, Buruseli mu Bubiligi, Johannesburg muri Afurika y’Epfo, Dubai muri Leta Zunze Ubumwe z’Abarabu, Lagos muri Nigeria, Paris, Dar es Salaam muri Tanzania, Bujumbura mu Burundi na London mu Bwongereza.

Kuva mu 2014 ingendo mpuzamahanga mu Rwanda ziyongereyeho 23% imbere muri Afurika, ziyongeraho 326% ku baja mu bindi bice by’Isi.

Abagenzi bangana na 66% basoreza urugendo rwabo mu Rwanda cyangwa bagakomeza ingendo zabo bifashishije imodoka cyangwa ubundi buryo.

Abagenzi bangana na 34% bagera mu Rwanda bakoresha Ikibuga Mpuzamahanga cy’Indege cya Kigali, ubundi bagakomereza mu bindi bihugu.

Biteganyijwe ko mu 2026 sositare y’u Rwanda y’Ubwikorezi bwo mu kirere (RwandAir) izaba itwara abagenzi miliyoni 1,2 bavuye kuri miliyoni imwe yariho mu 2023/2024.

Biteganyijwe ko mu 2028/2029 bazaba barageze kuri miliyoni 2,1, indege zayo zigere kuri 21.

Yihannye amaze kwica inyamaswa 6 000 muri Pariki ya Nyungwe

BAHUWIYONGERA Sylvestre

Kanani Callixte w’imyaka 47, ni umwe mu bavukiye mu muryango wamusigiyemurage w’ubuhigi, aho ahamya ko yahindutse amaze kwica inyamaswa zisaga 6000 yumva ko ari bwo buzima kuko yakuze abona se na sekuru abyo bibatunze.

Kanani Callixte w’imyaka 47, ni umwe mu bavukiye mu muryango wamusigiyemurage w’ubuhigi, aho ahamya ko yahindutse amaze kwica inyamaswa zisaga 6000 yumva ko ari bwo buzima kuko yakuze abona se na sekuru abyo bibatunze.

Mu buhamya yahaye Imvaho Nshya, Kanani utuye mu Kagari ka Cyanyirankora, Umurenge wa Kivu mu Karere ka Nyaruguru, avuga ko yatangiye inyamaswa afite imyaka 12 abimaramo imyaka 20 yose.

Ashimangira ko agenekereje muri iyo myaka yose yishe inyamaswa zirenga 6.000 zirimo ifumberi, ingurube z’ishyamba (isatura), ishegeshi isiha n’izindi.

Ati: “Natangiye mperekeza data na sogokuru, mbatwaje impamba kuko twamaragamo icyumweru cyose tuzica. Twitwazaga ifu y’ubugari, ibirayi, ibitoki, ibijumba n’ibindi tuzarisha izo nyama, zimwe tukazotsa tukazirira aho izindi tukazishyira abasigaye mu rugo, izindi tukazigurisha.”

Avuga ko aho se na sekuru bapfiriyeywe, we n’abavandimwe be bakomeje iyo ngeso, umugore bashyingiranywe akajya amutekerera impamba ajyana izamumaza icyumweru muri Nyungwe.

Yabanje gukoresha imitego 100, agera kuri 400; abo bafatanyaga bo bageze ku mitego 800, buri wese afite intego irenga 1000.

Avuga ko muri icyo gihe cyose yamaze yica inyamaswa, atwika ishyamba, ahakura anotsa inyama, nta nyungu igaragara yakuyemo, ayo yabonaga kwari ukuyanywera gusa anikanga gucakirana n’abarinzi ba pariki.

Ati: “Aho mfatiye icyemezo cyo kubivamo kubera ubukangurambaga bw’ubuyobozi bw’iyi Pariki, bukatubumbira mu makoperative, ndi umuvumvu ukomeye. Nsarura miliyoni irenga imwe y’amafaranga y’u Rwanda mu mwaka mu buki gusa. Ntuye mu nzu y’agaciro k’arenga miliyoni 9, mfite imirima 5 naguze, mfite amashyamba 3 y’agaciro k’arenga miliyoni ebyiri, noroye inka, umuryango wanjye umeze neza.”

Uretse Kanani, abaturage benshi bo mu Murenge wa Kivumu bacitse kuri iyo ngeso batangira kubungabunga urusobe rw’ibinyabuzima muri Pariki y’Igihugu ya Nyungwe.

Bamwe bavuga ko batangiye kuyangiza bakiri bato bajanyweyo n’ababyeyi, mu bikorwa by’ubuhigi, guhakura ubuki, gusenya inkwi n’ibindi.

Imwe mu myumvire bari bafitirahindutse ni uko inyamaswa zimwe na zimwe zibereyeho kuribwa.

Ndagijimana JMV w’imyaka 44 wo mu kagari ka Gahurizo, na we avuga ko mu myaka ine yamaze yari amaze kwica inyamaswa zirenga 200.

Iyo myaka yose yakoraga akwepa abashinzwe gucunga Pariki, aza kubivamo abyibwirije nyuma y’ubukangurambaga bwari bwabereye mu Murenge wabo, amacumu n’izindi ntware gakondo yitwazaga abiha ubuyobozi.

Ati: “Ni aho imibereho yanjye yahindukiye, ntangira gukora nta bwoba, inyamaswa nicaga mpinduka umurinzi wazo, ubwenge mbukura mu kwan-giza mbushyira mu kwiteza

imbere.”

Ubu ni umuvumvu aho yiyubakiye inzu ya miliyoni 6 z’amafaranga y’u Rwanda muriSanteri y’Ubucuruzi ya Mizirikano, agura amasambu 7 afite agaciro ka miliyoni 7, aniyubakira inzu yo guturamo ya miliyoni enye.

Avuga ko mu buvumvu akuramo arenga 1.500.000 ku mwaka, yongeranya n’andi akura mu bindi bikorwa by’iterambere akarushaho gusirimuka.

Karekezi Stanislas w’imyaka 74 watangiye kuzica afite imyaka 20 gusa, ashimira Perezida wa Repubulika Paul Kagame wabibukije ko bangiza umutungo ubafitiye akamaro n’ibisekuru by’igihe kizaza.

Nyuma yo kureka iyo ngeso ashaje, uyu muni na we yaretse

kunywa inzoga yiteza imbere, ubu atuye mu nzu ifite agaciro ka miliyoni 5, yoroye inkwavu 30 n’imizinga y’inzuku 200.

Umunyamabanga Nshingwabikorwa w’Umurenge wa Kivu, Uwimana Pierre, yemeza ko ubu buzima bw’abaturage baretse guhiga inyamaswa no kwangiza Pariki y’Igihugu ya Nyungwe bwahingutse.

Ati: “Babonye ku nyungu zituruka ku bukererugendo kuko bubakiwe amashuri, bahabwa amazi meza, babona amashanyarazi n’ibindi. N’ubu bari kubakirwa umuhanda uzabafasha kugeza umusaruro w’icyayi ku ruganda bitavunanye.”

Umuyobozi wungirije w’Ishami rishinzwe guhuza Pariki y’Igihugu ya Nyungwe n’abaturage Ndikuryayo Damien, avuga ko

hari benshi bahinduye ubuzima babikesha akazi bahawe nyuma yo gusezerera ibikorwa byangizaga urusobe rw’ibinyabuzima.

Ati: “Inkongi z’imiriro twabaga duhanganye na zo mu mpeshyi zaragabanyutse cyane, n’abo twafatanaga inyama z’inyamaswa bishemo baragabanyutse cyane. Byerekana ko imyumvire yahindutse, ari umusaruro w’ubukangurambaga buhoraho abayituriye bakorerwa.”

Mu bukungurambaga bw’uyu mwaka, yabasabye gukomeza kubungabunga Pariki y’Igihugu ya Nyungwe kuko iri mu mitungo mike Igihugu gifite yinjiza amadovize agera no ku bayituriye, ndetse ikaba inabaha umwuka mwiza, ari nah o bari isoko y’amazi ari hejuruya 70% by’akoreshwa mu Rwanda.



Kanani Callixte wari umaze kwica inyamaswa zisaga 6 000 yahinduye imibereho nyuma yo kubireka

Minisitiri w’Intebe Dr Nsengiyumva yasabye abaturiye Pariki gukomeza kuyibungabunga

NGABOYABAHIZI Protais

Minisitiri w’Intebe Dr. Nsengiyumva Justin, yasabye abaturiye Parike y’Igihugu y’Ibirunga gukomeza kuyibungabunga, no kubyaza umusaruro ibikorwa remezo bagenda bagezwaho bikomoka ku nyungu iva mu bukerarugendo.

Yabitangaje mu muhango ubaye ku nshuro ya 20 wo Kwita Izina abana b’ingagi 40, wabaye kuri uyu wa 05 Nzeri 2025, ashimira abaturage uruhare bagira mu gukomeza gusigasira ubusugire bwa Pariki y’Igihugu y’Ibirunga, ariko nanone abasaba kongera ikibatsi mu kubyaza umusaruro iyi Pariki no kuyirinda

Yagize ati: “Muhore muzirikana ko izi ngagi ari umutungo w’agaciro kanini dufite kandi tugomba kubungabunga kandi ugenda utanga umusaruro, ni muri urwo rwego hari gahunda yo kwagura Pariki y’Igihugu y’Ibirunga, tubasaba gukomeza kugira uruhare muri iyo gahunda kuko izafasha ungagi zacu gukomeza kubaho neza mu buryo burambye.”

Umuyobozi wa RDB, Jean Guy Africa na we ashimangira ko iyo Pariki n’ibinyabuzima biyibamo bifashwe neza bigira inyungu ku gihugu ndetse n’abaturage, aho avuga ko inyungu ziva ku musaruro ukomoka kuri Pariki wahinduye imibereho yabo.



Minisitiri w’Intebe, Dr Nsengiyumva Justin yasabye abaturiye Pariki Y’Igihugu y’Ibirunga gukomeza kuyibungabunga

Yagize ati: “Inyungu ziva mu musaruro w’ubukerarugendo mu gihe cy’imyaka 20 ishize, 10% by’umusaruro wa Pariki ujya mu mishinga y’abaturage baturije Pariki y’Igihugu, kugeza ubu imishinga ifite agaciro ka miliyari 18 z’amafaranga y’u Rwanda yubatse amashuri, amavuriro, amasoko n’inzu zo guturamo.”

Yakomeje agira ati: “Ibi bikorwa rero bigabanya amakimbirane hagati y’abaturage na Pariki, ndetse n’ibinyabuzima bibamo bigakomeza kubaho neza, n’abahatuye bagatera imbere, ni yo mpamvu dukomeza gusaba abaturiye Pariki gukomeza gusigasira umutekano wayo.”

Akomeza agira ati: “Muhar-nire kandi gukomeza kwakira neza abasura Parike yacu kuko nabo bagira uruhare mu kumenyekanisha uRwanda no guteza imbere ubukerarugendo muri rusange”.

Abaturage bo bavuga ko kubungabunga Pariki byabazaniye inyungu kuko ngo byatumye basangira inyungu, kuruta uko ngo zikubirwaga n’abantu bamwe nk’uko Ngabitsinze wo mu Kagari ka Nyonirima, Umurenge wa Kinigi abivuga.

Yagize ati: “Kuva Pariki yatangira kubungabungwa twabonyemo inyungu cyane kuri twese. Hari ubwo bamwe

bajyaga gukuramo imigano, bakagurisha, abandi bakajya guhigamo inyamanswa nk’impango n’imbogo bakirira byumvikane ko inyungu zageraga kuri abo bafite imbaraga zo kujya kwangiza Pariki y’Igihugu y’Ibirunga.”

Kuri ubu tubona inyungu zivamo zikaduha amazi, amashuri, amavuriro, amashanyarazi, ubu byabaye byiza cyane kubungabunga Pariki ni uguteganyiriza ejo heza h’u Rwanda.”

Umwe mu bahoze ari ba rushimusi Karake Egide, yavuze ko ubwo babuzwaga kwangiza Pariki bumvaga ko bagiyeye kubateza ubukene, kandi ko inyungu bakuragamo zigiyeye kubura burundu ariko ngo ahubwo ni bwo yikubye kabiri.

Yagize ati: “Najyaga ntega inyamaswa ngacuruzwa impu zazo, nkarya inyama nkumva ntujye, ubundi hakaba ubwo najyaga gutema imigano nagurishaga mu muji wa Musanze numvaga ari ryo terambere ryanjye, ariko nyuma yaho RDB, ihisemo gukumira ba rushimusi twahawe amahugurwa dufashwa kwihangira umurimo, abandi tubonamo akazi ko gutwaza ba mukerarugendo.”

Yongeyeho ati: “Kuri ubu ntabwo nabura amadolari 300 ku kwezi mu gihe nicaga inyamaswa uruhu nkarugurisha amafaranga 1000 nkayanywera inzoga, ubu hari abanyabukorikori bahoze ari ba rushimusi bibumbiye mu makoperative, ibihangano byabo bigurwa na ba mukerarugendo.”

Kugeza ubu abaturiye Parike y’ibirunga bavuga ko kuva batangira kubona 10% by’umusaruro ukomoka muri Pariki bazezereye gukora ingendo bajya kwiga, kwivuzza kure; no kujya gushaka amazi mu birunga.



Igishanga cya Kiryango kiri hagati y’Imirenge ya Mwendo na Kinihira kiri mu bizatunganywa

Ruhango: Ibishanga bigiye gutunganywa, imyaka ntizongera gutwarwa n’imvura

UWIZEYIMANA Aimable

A bahinzi bahinga mu birimo n’igishanga cya Kiryango bishimira ko bigiye gutunganywa kugira ngo bibafashe kuzamura umusaruro w’ubuhinzi.

Mukamana Joseline umuhinzi wo mu gishanga cya Kiryango wo mu Murenge wa Mwendo, avuga yishimiye ko igishanga cya Kiryango bahingamo kigiye kongera gutunganywa, kuko mu gihe cy’imvura cyangizaga imyaka.

Ati: “Igishanga cya Kiryango duhingamo nishimiye ko bagiyeye kongera kugikora, kubera uburyo cyagiye cyangirika, usanga mu gihe cy’imvura cyangiza imyaka tuba twahinze, ku buryo nigikirwa bizadufasha kongera umusaruro watwarwaga n’imvura.”

Bizimana Emmanuel wo mu Murenge wa Bweramana uhinga mu gishanga cya Base, na we avuga ko nk’abahinzi bishimiye ko igishanga cya Base bahingamo kigiye kongera gutunganywa ku buryo ibihombo baterwaga n’imvura yangiza imyaka bitazongera kubaho.

Ati: “Rwose nishimiye ko

ubuyobozi bw’Akarere n’abandi bafatanyabikorwa, bagiyeye kudufasha gutunganya iki gishanga cya Base kuko kubera ko cyangiritse wasangaga mu gihe cy’imvura cyangiza imyaka yacu twabaga twarahinze, bikaduturira mu gihombo”.

Umuyobozi w’Akarere ka Ruhango wungirije ushinze Iterambere ry’Ubukungu Rusiribana Jean Marie Vianney, avuga ko koko hari ibishanga birimo n’icya Kiryango biri gukorerwa inyigo n’itsinda ry’inzobere kugira ngo bizatunganywe.

Ati: “Ni byo hari itsinda ry’inzobere ziri gukora inyigo yo gutunganya ibishanga bitandukanye, bikazatunganywa binyuze mu mushinga wa CDAT, mu rwego rwo gukemura ikibazo cy’imvura cyangiza imyaka abahinzi bakagwa mu bihombo.”

Ibishanga byatangiyeye gukorerwa inyigo n’itsinda ry’inzobere mu gutunganya ibishanga, bikaba ari igishanga cya Nyirakiyange kiri mu Murenge wa Ruhango, igishanga cya Base kiri mu Murenge wa Bweramana n’igishanga cya Kiryango kiri hagati y’Imirenge ya Kinihira na Mwendo.

MU NTARA

BAHUWIYONGERA Sylvestre

Muri santere y’ubucuruzi ya Murindi, mu Mudugudu wa Gikombe, Akagari ka Burimba, Umurenge wa Shangi mu Karere ka Nyamasheke, inyubako 5 z’ubucuruzi z’imiryango 11 zakongowe n’inkongi y’umuriro hatikiriramo ibicuruzwa by’amafaranga y’u Rwanda arenga 10 000 000.

Ndinzumukiza Eric, umwe mu basizwe iheruheru n’iyo nkongi, avuga ko inyubako ye yahiye yari ifite agaciro k’arenga 12 000 000, yayicururizagamo butiki, hahiramo ibicuruzwa by’arenga 4 000 000, bikaba byaraturutse kuri kashi pawa yo ku ipoto yaturitse ubwo umuriro wagarukaga bigakongeza izo nzu.

Ati: “Twawutegereje tubona uratinze turakinga turitahira. Ugarutse mu ma saa yine z’ijoro twumva abazamu baduhamagara batubwirako bumvise ikintu giturika, babona mu gikoni cy’inzu y’uwitwa Sayinzoga Modeste, ikorerwamo resitora ni ho

Nyamasheke: Inkongi yibasiye inyubako 5 z’ubucuruzi n’ibyarimo birakongoka

umuriro utangiriye ufata n’in-yubako zacu zose.”

Avuga ko bahise batabara, hamwe n’abaturage bahaturije, barazimya biba iby’ubusa na kizimyamoto ya polisi iza ntacyo ikiramira,inzu n’ibiyari bizirimo byakongotse.

Avuga ko inzego zibishinzwe zatangiye iperereza bizeye kuza kubwirwa icyabiteye, basanga ari amashyanyarazi REG ikabariha.

Sayinzoga Modeste w’imyaka 74, yavuze ko yahishije inzu 2 z’imiryango 2, imwe yakorerwagamo resitora ari yo igikoni cyayo cyabanje gufatwa, indi yakoreragamo akabari, zifite agaciro ka 12.000.000 zombi, yazikuragaho amasaziro no gutunga umuryango we.

Ati: “Bazikodeshaga bakampa ayo ndihira abana n’abuzukuru amashuri arimo na kaminuza none nsigariye aho, nta kindi



Inzu 5 z’ubucuruzi zibasiwe n’inkongi, ibyarimo byose birakongoka

mfite ndebaho, cyane cyane ko nta n’ubwishingizi nagiraga.”

Ba nyir’inyubako n’abazikodeshaga bazikoreramo, bavuze ko inyigisho bibasigiyeye ari ukujya bishingira inyubako zabo z’ubucuruzi, n’abakoreramobagafata ubwishingizi bw’ibyo bakora.

Umunyamabanga Nshing-wabikorwa w’Umurenge wa

Shangi, Mukamusabyimana Marie Jeanne, yabwiye Imvaho Nshya ko izi nyubako koko zahiyeye umuriro wari wagiye ubwo wari ugarutse, iperereza ryatangiyeye ngo hamenyekane icyateye iyo nkongi.

Yagize ati: “Igihe tugitegereje icyo inzego zibishinzwe, ziri mu iperereza zitubwirwa, turihanganisha abagizweho ingaruka n’iyi nkongi bese, tukanab-

ibikorwa remezo bizakurura ba mukerarugendo benshi batubwirako bazabikorako ariko umwaka uri gushira tubona nta gikorwa.”

Yakomeje agira ati: “Icyo tubona byafasha rero ni uko hari ubwo nka hano ku Rutare rwa Ndaba hahagarara umushyitsi ushaka kumenya amateka ariko icyo tubona ni uko ataha ntacyo amenze.

Hari akajagari kenshi, ariko hagiye inzu y’umwihariko yanashyirwamo ibyo ba mukerarugendo bajya bakenera, n’uwo muntu ubasobanurira neza amateka akanabatem-bereza, byaba ari byiza.”

Nzabandora Sylvestre we yagize ati: “Njye nk’umuntu uturiye uru Rutare mbona hakenewe iterambere ryihariye risigasira amateka yarwo. Abana bahaba basobanura nabi amateka kandi ugasanga basa nabi ku buryo banafatwa nk’ibisambo ariko hakozwe neza hagashyirwa abantu basobanutse hano hagira umwihariko”.

oneraho kongera gusaba abaturage kujya bashyira imitungo yabo mu bwishingizi.”

Ku birebana no kuba abagizweho ingaruka n’iyo nkongi bafashwa yavuze ko hari uba afite ubundi bushobozi bwo kuba yahita yisanira, cyangwa yakodesha ahandi akongera agacuruzwa. Ku rundi ruhande, ubuyobozi bufite inshingano zo kuba hafi abaturage ni yo mpamvu y’iryo sesengura, buri wese akunganirwa bitewe n’ikibazo cye.


Hamaze iminsi humvikana inkongi z’umuriro mu Turere twa Rusizi na Nyamasheke, aho mu Karere ka Rusizi inyubako 3 zo guturamo zakongotse n’ibyarimo byose mu mpera z’ukwezi kwa Kanama n’itariki ya 1 Nzeri, zigashyamba nta bwishingizi zifite, abaturage bakavuye ku izo nkongi ari ikibazo gikomeje kubahangayikisha.

Umuyobozi w’Akarere ka Karongi Muzungu Gerard yijeje abo baturage ko ibikorwa byo kubaka ibikorwa remezo kuri urwo Rutare biri gutegurwa kuko hari abafatanyabikorwa babisabye Akarere bagaragaza ko bifuza kugira icyo bahakorera biyanyane naho kandi ko biri gukorwaho.

Yagize ati: “Hari abashoramari bagaragaje ko bashaka kuhashyira ibikorwa birimo ‘Coffee Shop’ n’ubundi bucuruzi bujanyeye na hariya kandi biri mu murongo mwiza ku buryo abaturage baho bashonje bahishiwe mu gihe byaba bitangiye gukorwa.”

Urutare rwa Ndaba ruherereye mu Mudugudu wa Rusebeya, Akagari ka Gitwa, mu Murenge wa Rubengera, mu Karere ka Karongi, mu Ntara y’Uburengerazuba. Ni urutare rururire rumanukaho hakozwe neza hagashyirwa abantu basobanutse hano hagira umwihariko”.

ITANGAZO RY'ISOKO



ITANGAZO RYO GUPIGANIRA AMASOKO: Ububobozi bw'ishuri rya GACURIRO TSS, buramenyesha barwiyemezamirimo babyifuza kandi babifitiye ubushobozi ko ishuri rishaka gutanga amasoko mu gih cy'umwaka wa mashuri wa 2025-2026 kuburyo bukurikira:

N°	NUMERO DE REFERENCE	IZINA RY'ISOKO/Lot	IGIHE NTARENGWA CYO GUTANGA AMABARUWA (Dossier)	IGIHE CYO GUFUNGURA AMABARUWA	AHO AMAFARA NGAZATURUKA
1	No 001/GACURIRO TSS /2025-2026	Lot 1: IBIKORESHO BYO KWIGISHIRIZAZHO (Consummables) 1.1: Ibiikoresho byo mu ishami ry'ububobozi no gusurwa iby'ububobozi (Food and Beverage Operation Services) 1.2: Ibiikoresho byo mu ishami ry'ububobozi no kongerera agaciro ibikomoka mu buhinzi n'ubworozi (Food Processing) Lot 2: IBIKORESHO BYO KWIGISHIRIZAZHO MU MWAKA WAMASHURI 2025-2026 MU KIGO CYA GACURIRO TECHNICAL SECONDARY SCHOOL 2.1: Ibiikoresho byo mu ishami ry'ububobozi (Wood Technology) 2.2: Ibiikoresho byo mu ishami ry'ububobozi (Building Constructions) 2.3: Ibiikoresho byo mu ishami ry'ububobozi no gutunganya imisatsi (Beauty and Aesthetics) 2.4: Ibiikoresho byo mu ishami ry'ububobozi (Fashion Design)	22/09/2025 Saa 10h00 za mu gitondo Mu bunyamabanga bw'ishuri.	22/09/2025 Saa 10h00 za mu gitondo Mu bunyamabanga bw'ishuri.	DISTRICT, GACURIRO T.S. SCHOOL

2	No 002/GACURIRO TSS /2025-2026	Lot 3: IBIKORESHO BYO KWIGISHIRIZAZHO (Consummables): 3.1: Ibiikoresho byo mu ishami ry'ububobozi bwo mu nganda (Manufacturing Technology) 3.2: Ibiikoresho byo mu ishami ry'ububobozi bw'ububobozi (Automobile Technology) 3.3: Ibiikoresho byo mu ishami ry'ububobozi bw'ububobozi (Computer System and Architecture) 3.4: Ibiikoresho byo mu ishami ry'ububobozi bw'ububobozi (Domestic Electricity) 3.5: Ibiikoresho byo mu ishami ry'ububobozi bw'ububobozi (Tourism)	22/09/2025 Saa 10h00 za mu gitondo Mu bunyamabanga bw'ishuri.	22/09/2025 Saa 10h00 za mu gitondo Mu bunyamabanga bw'ishuri.	GACURIRO TSS
---	--------------------------------	---	---	---	--------------

Abifuza gupiganira aya masoko bashobora kubona igitabo (DAO) gikubiyemo amabwiriza agenga ipiganwa guhera tariki ya 02/09/2025 mu biro by'ububobozi bw'ishuri rya GACURIRO TSS bishyuye 10,000frw adasubizwa kuri konti y'ishuri No 00256-06953608-44 iri muri Bank of Kigali (BK)

N.B: Buri wese upiganira isoko, ashobora gupiganira isoko rimwe cyangwa rirenze rimwe bitewe n'ubushobozi bwe ndetse isoko rya mbere ushobora gupiganira lot imwe cyangwa irenze imwe.

.Bikorewe i Gacuriro ku wa 02/09/2025.

Frère Eric DUSHIMIMANA

Umuyobozi wa GACURIRO TSS.



AVIS D'APPEL D'OFFRES (AAO)/INVITATION AUX SOUMISSEUR(S) (IAS), FOURNITURE DE DENRÉES ALIMENTAIRES, MATÉRIELS D'HYGIÈNE, MATÉRIELS DE BUREAU, ÉQUIPEMENTS, MATÉRIELS ET MATÉRIAUX POUR RÉHABILITATION DE L'ÉCOLE, MATÉRIELS ET MATÉRIAUX CONSOMMABLES DE L'ANNÉE SCOLAIRE 2025/2026

Titre du marché: 01/NTS/NOCB/2025/2026, fourniture de denrées alimentaires, matériels d'hygiène, matériels de bureau ; équipements, matériels et matériaux pour réhabilitation de l'école ; matériels et matériaux consommables de l'année scolaire 2025/2026

Appel d'Offres no : 01/NTS/NOCB/2025/2026

Nyanza Technical Secondary School (former ETO Gitarama) est situé dans le Secteur Kigoma, District de Nyanza, Province du Sud. Il invite les entreprises compétentes et expérimentées à présenter leurs offres pour la fourniture de denrées alimentaires, matériels d'hygiène, matériels de bureau ; équipements, matériels et matériaux pour réhabilitation de l'école ; matériels et matériaux consommables de l'année scolaire 2025/2026

- Pour lequel cet Avis d'Appel d'Offres est publié. Nyanza Technical Secondary School (Nyanza TSS) sollicite des offres de la part des soumissionnaires éligibles et répondant aux qualifications requises pour fournir denrée alimentaire et d'autres matériels (Cfr DAO).
 - Les Dossiers d'Appel d'Offres rédigés en français peuvent être obtenus au secrétariat central de NyanzaTSS sur présentation d'un bordereau de paiement d'un montant non remboursable de dix mille francs rwandais (10.000 frs versé sur le compte N° 100000858778 ouvert à la Banque de Kigali).
 - Les Dossiers d'Appel d'Offres peuvent être obtenus pendant les jours ouvrables au secrétariat depuis 3/09/2025 au 23/09/2025, pendant les heures de travail.
 - Toute demande d'information relative au présent appel d'offres doit être adressée à la direction de Nyanza TSS ou téléphone le numéro 0788309436.
 - Les offres doivent comprendre :
 - Lot 1: Les aliments 'a conserver
 - Lot 2: Matériels d'hygiène
 - Lot 3: Matériels des bureaux
 - Lot 4: Matériels, matériaux et équipements pour réhabilitation de l'école
 - Lot 5: Matériels et matériaux consommables pour la Section de BDC
 - Lot 6: Matériels et matériaux consommables pour la Section de IND
 - Lot 7: Matériels et matériaux consommables pour la Section de PWO
 - Lot 8: Matériels et matériaux consommables pour la Section de LSV
 - Lot 9: Matériels et matériaux consommables pour la Section de WOT
 - Lot 10: Matériels et matériaux consommables pour la Section de ETE
 - Lot 11: Matériels et matériaux consommables pour la Section de CAS
 - Lot 12: Matériels et matériaux consommables pour la Section de MMP
 - Lot 13: Matériels et matériaux consommables pour la Section de ELT
 - Lot 14: Matériels et matériaux consommables pour la Section de REN
 - Lot 15: Matériels et matériaux consommables pour la Section de MAT
 - Lot 16: Matériels et matériaux consommables pour la Section de AUTO
 - Lot 17: Matériels de "IT"
- Lot 1 jusqu'au lot 17 le soumissionnaire ne doit pas présenter une garantie de soumission

- Les offres bien dactylographiées, doivent être remises sous prix scellés et présentés en quatre copies dont un original à la direction de Nyanza TSS à l'adresse mentionnée ci-dessus au plus tard le 23/09/2025 à 11h00. Les offres remises en retard seront rejetées.
- L'ouverture des offres aura lieu en présence des soumissionnaires ou de leurs représentants souhaitant y assister dans la salle polyvalente de Nyanza TSS le 23/09/2025 à 11h30.
- Le titre du marché doit être clairement mentionné sur l'enveloppe extérieure.
- L'appel d'offres sera régi par Journal Officiel n° Spécial du 22/11/2022/ loi n° 031/2022 du 21/11/2022 portant réglementation des marchés publics ainsi que Journal Officiel n° Spécial du 10/10/2023

Fait à Kigoma le 03/09/2025

Ir. NGABONZIZA Germain
Directeur de NyanzaTSS



ITANGAZO RY'ISOKO



REPUBLIC OF RWANDA
RWANDA AGRICULTURE AND ANIMAL
RESOURCES DEVELOPMENT BOARD (RAB)
SPIU
IFAD, WORLD BANK AND KOICA FUNDED
PROJECTS



ITANGAZO

ISOKO No P00003/2025/2026/SAIP II RYO KUGEMURA IMBUTO Y'IBIRAYI

Hashingiwe ku masezerano yashyirahamwe hagati ya Leta y'u Rwanda na Banki y'isi (World Bank) kubufatanye n'ikigega mpuzamahanga gitsura amajyambere (IDA) n'ikigega mpuzamahanga giteza Imbere Ubuhinzi (GAFSP) binyuze mu Mushinga ya CDAT (Umushinga ugamiye Guteza Imbere Ubuhinzi Bugamije Ubucuruzi no Kugabanya Ibibubangamira) na SAIP II (Umushinga wo Kwagura Ubuhinzi Burambye n'Ubwihaze mu Biribwa); Imishinga ya CDAT na SAIP II irahamagarira abatubuzi b'imbuto y'ibirayi, gupiganira isoko ryo kugemura imbuto y'ibirayi ifite icyemezo (Certified Seed). Imbuto y'ibirayi izatangwa muturere SAIP II na CDAT zikorera aritwo Nyagatare, Kayanza, Kirehe, Gatsibo, Rwigyema, Rukundo, Bugesera, Kamonyi, Nyanza, Ruhango, Muhanga, Gisagara, Huye, Nyaruguru, Rusizi, Nyamashenge, Karongi, Nyabihu, Rutsiro na Ngororero.

Igitabo gikubiyemo amabwiriza agenga isoko muragisanga ku biro by'Umushinga, aho ukorera ku Kacyiru mu Akarere ka Gasabo, Umujyi wa Kigali munzu yitwa "Blue Star House" guhera tariki ya 02/09/2025 mu masaha y'akazi (kuva saa tatu (9:00 A.M.) kugera saa kumi nimwe (17:00 p.m))

Amabaruwa afunze neza arimo ibiciro azageweza ku biro by'Umushinga bitarenze tariki ya 02/09/2025 saa tanu n'igice (11h30) z'amanywa. Inyandiko z'ipiganwa zizaza nyuma y'isaha ntizizakirwa, gufungura inyandiko z'ipiganwa bizakorwa kuri uwo muni saa tanu na mirongo ine n'itanu (11h45).

Bikorewe i Kigali, kuwa 03/09/2025

Stephen RWAMULANGWA
Umuhuzabikorwa



ITANGAZO RY'ISOKO



REPUBLIC OF RWANDA
RWANDA AGRICULTURE AND ANIMAL
RESOURCES DEVELOPMENT BOARD (RAB)
SPIU
IFAD, WORLD BANK AND KOICA FUNDED
PROJECTS



ITANGAZO

ISOKO No P000046/2025/2026/CDAT RYO KUGEMURA IMBUTO Y'IMYUMBATI

Hashingiwe ku masezerano yashyirahamwe hagati ya Leta y'u Rwanda na Banki y'isi (World Bank) kubufatanye n'ikigega mpuzamahanga gitsura amajyambere (IDA) binyuze mu Mushinga CDAT (Umushinga ugamiye Guteza Imbere Ubuhinzi Bugamije Ubucuruzi no Kugabanya Ibibubangamira);

Umushinga CDAT urahamagarira abatubuzi b'imbuto y'imyumbati, gupiganira isoko ryo kugemura imbuto y'imyumbati ifite ubwiza bwemewe (Quality Declared Seed). Imbuto y'imyumbati izatangwa mu turere CDAT zikorera aritwo Kamonyi, Ruhango, Nyanza, Gisagara, Huye, Nyamashenge, Rusizi na Bugesera.

Igitabo gikubiyemo amabwiriza agenga isoko muragisanga ku biro by'Umushinga, aho ukorera ku Kacyiru mu Akarere ka Gasabo, Umujyi wa Kigali munzu yitwa "Blue Star House" guhera tariki ya 02/09/2025 mu masaha y'akazi.

Amabaruwa afunze neza arimo ibiciro azageweza ku biro by'Umushinga bitarenze tariki ya 02/09/2025 saa tanu n'igice (11h30) z'amanywa. Inyandiko z'ipiganwa zizaza nyuma y'isaha ntizizakirwa, gufungura inyandiko z'ipiganwa bizakorwa kuri uwo muni saa tanu na mirongo ine n'itanu (11h45).

Bikorewe i Kigali, kuwa 03/09/2025

Stephen RWAMULANGWA
Umuhuzabikorwa



P.O BOX 5016 KIGALI
Email: info@rab.gov.rw
Website: http://www.rab.gov.rw
http://www.rab.gov.rw/1-1/solic-project-implementation-unit

ITANGAZO RY'ISOKO



REPUBLIC OF RWANDA
RWANDA AGRICULTURE AND ANIMAL
RESOURCES DEVELOPMENT BOARD (RAB)
SPIU
IFAD, WORLD BANK AND KOICA FUNDED
PROJECTS



ITANGAZO

ISOKO No P000048/2025/2026/CDAT RYO KUGEMURA IMBUTO Y'IBISHYIMBO (IMBUTO SHINGIRO N'IMBUTO IFITE ICYEMEZO).

Hashingiwe ku masezerano yashyirahamwe hagati ya Leta y'u Rwanda na Banki y'isi (World Bank) kubufatanye n'ikigega mpuzamahanga gitsura amajyambere (IDA) binyuze mu Mushinga wa CDAT (Umushinga ugamiye Guteza Imbere Ubuhinzi Bugamije Ubucuruzi no Kugabanya Ibibubangamira); Umushinga wa CDAT urahamagarira abatubuzi b'imbuto y'ibishyimbo, gupiganira isoko ryo kugemura imbuto y'ibishyimbo ifite icyemezo (certified seed); Imbuto y'ibishyimbo izatangwa mu turere CDAT zikorera aritwo: Gatsibo, Kayanza, Nyagatare, Kirehe, Bugesera, Ruhango, Muhanga, Gisagara, Huye, Nyaruguru, Nyamagabe, Rusizi na Nyamashenge.

Igitabo gikubiyemo amabwiriza agenga isoko muragisanga ku biro by'Umushinga, aho ukorera ku Kacyiru mu Akarere ka Gasabo, Umujyi wa Kigali munzu yitwa "Blue Star House" guhera tariki ya 02/09/2025 mu masaha y'akazi.

Amabaruwa afunze neza arimo ibiciro azageweza ku biro by'Umushinga bitarenze tariki ya 02/09/2025 saa tanu n'igice (11h30) z'amanywa. Inyandiko z'ipiganwa zizaza nyuma y'isaha ntizizakirwa, gufungura inyandiko z'ipiganwa bizakorwa kuri uwo muni saa tanu na mirongo ine n'itanu (11h45).

Bikorewe i Kigali, kuwa 03/09/2025

Stephen RWAMULANGWA
Umuhuzabikorwa



ITANGAZO RY'ISOKO



Repubulika y'u Rwanda
Umujyi wa Kigali
Akarere ka Nyarugenge
Umurenge wa Nyamirambo



ITANGAZO RYO GUPIGANIRA ISOKO

Ububobozi bw'Umurenge wa Nyamirambo, mu Karere ka Nyarugenge, burahamagarira ba Rwiyezamezimirimo babyifuza kandi babifitiye ubushobozi gupiganira isoko rikurikira:

INYITO Y'ISOKO	NOMERO Y'ISOKO	ITARIKI YO GUSURA AHAZAKORERWA IMIRIMO
Isoko ryo gucunga umutekano w'irimbi rya Nyamirambo	02/ NCS/ NCB/ 2025-2026/ NYAMIRAMBO SECTOR	Ku itariki 19 Nzeri 2025 saa ine z'igitondo (10 heures 00)

Abifuza gupiganira iri soko bashobora kubona ibitabo bikubiyemo amabwiriza y'ipigana mu bunyamabanga bw'Umurenge wa Nyamirambo guhera ku itariki 05 Nzeri 2025. Igitabo cyerekana uburyo ipigana rikorwa cyishyurwa amafaranga ibihumbi icumi (10.000 Frw) yishyurwa kuri konti y'Urwego rwa Leta rufite imisoro n'amahoro mu nshingano.


Amabashya arimo ibiciro yanditseho inyito y'isoko igaragara muri iri tangazo agomba kuba yagejeje mu bunyamabanga bw'Umurenge wa Nyamirambo bitarenze tariki 08 Ukwakira 2025 saa ine z'igitondo (10 heures 00).

Gufungurira amabashya mu ruhamwe bizakorwa kuri uwo muni saa ine n'iminota mirongo itatu (10 h 30) mu cyumba cy'inama cy'Umurenge wa Nyamirambo, byitabirwe na ba Rwiyezamezimirimo banditse basaba isoko cyangwa ababagariye.

Gusura ahazakorera imirimo bizakorwa ku itariki 19 Nzeri 2025 saa ine z'igitondo (10 heures 00). Abazitabira uwo muhangano bazahagurukira ku Murenge.

Bikorewe i Nyamirambo, kuwa 03 Nzeri 2025

UWERA Claudine
Umuyamabanga Nshingwabikorwa w'Umurenge wa Nyamirambo



E-mail: nyamirambo@nyamirambo.gov.rw

Tel: +250788462994

ITANGAZO RY'ISOKO

REPUBLIKA Y'U RWANDA

INTARA Y'IBURASIRAZUBA
UMURENGE WA NASHO
APENA TSS

TEL: 0782868663

ITANGAZO RYO GUPIGANIRA AMASOKO MU KIGO CYA APENA TSS

Ubuyobozi bw'ishuri rya APENA TSS burahamagarira ba Rwiyezamezirimu babishaka kandi babifitiye ubushobozi bakaba batarakwese ku rutonde rw'abemerewe gupiganirwa amasoko ya leta ko hari amasoko gishaka gutanga agaragara mu mbonerahamwe ikurikira.

NO	NOMERO Y'ISOKO	IZINA RY'ISOKO	AHO AMAFARANGA AZAVA
1	001/FONC/APENA/2025-2026	Isoko ryo kugemura imboga n'ibitunguru	Amafaranga ku nkunga ya leta (School Feeding) n'amafaranga y'ishuri atangwa n'ababyeyi.
2	002/FONC/APENA TSS/2025-2026	Isoko ryo kugemura inyama n'inkwi	Amafaranga ku nkunga ya leta (School Feeding) n'amafaranga y'ishuri atangwa n'ababyeyi.
3	003/FONC/APENA TSS/2025-2026	Isoko ryo kugemura umunyu n'isukari	Amafaranga ku nkunga ya leta (School Feeding) n'amafaranga y'ishuri atangwa n'ababyeyi.

Ibitabo bikubiyemo amabwiriza agenga ipiganwa n'ingano y'ibikenewe muzabisanga ku cyicaro cy'ishuri rya APENA TSS kuva tariki ya 02/09/2025 mu masaha y'akazi mu biro by'ubunyamabanga bw'ishuri mumaze kwishyura amafaranga ibihumbi icumi (10,000 Rwf) agashyirwa kuri konti No:10006711884 ya APENA Technical Secondary School in muri Banki ya Kigali.

Amabaruwa afunze neza arimo ibitabo bitatu (3) birimo icy'umwimerere by'abapiganwa agomba kuba yageze mu bunyamabanga bw'ishuri bitarenze tariki ya 09/09/2025 saa yine (10h00) za mugitondo. Amabashasha azafungurwa mu ruhame tariki ya 09/09/2025 ku cyicaro cy'ishuri rya APENA TSS saa tanu (11h00).

Bikorewe, Nasho kuwa 02/09/2025

UWIMANA Faustin

Umuyobozi wa APENA TSS

ITANGAZO RY'AKAZI



COOPERATIVE DE DEVELOPPEMENT DES ANCIENS
CHAUFFEURS DE L'ETAT
B.P. 565 Kigali, Rwanda 0788574267 ; 0788598259 :0788301041
E-mail:codacerwa@yahoo.com

ITANGAZO RY'AKAZI

UBUYOBOZI BWA CODACE BURAMENYESHA UMUNTU WESE UBYIFUZA KANDI UBIFITIYE UBUSHOBOZI KO BUKENEYE UMUKOZI USHINZWE GUSHAKA AMASOKO NO KUYIMENYEKANISHA(MARKETING and TRANSPORT OFFICER).
IBYO AGOMBA KUBA YUJUGI:

- Kuba ari umunyarwanda
- Kuba afite impamyabushobozi yo mu rwego rwa Kaminuza(Bachelor's degree in Marketing/Procurement)
- Kuba azi i Kinyarwanda, icyongereza cyangwa igifaransa, kuzimenya zose ni akarusho
- Kuba azi neza gukoresha ikoranabuhanga mu gupiganirwa amasoko(e-procurement system)
- Kuba azi gukoresha Mudashobwa(Computer) neza azi Excel;Worg na Power Point

Abujije ibisabwa barasabwa ibi bikurikira

- Ibarurwa isaba akazi
- Impamyabushobozi ya Kaminuza Ao muri Marketing/Procurement
- Indangamuntu
- CV

Bagomba kubitunga ku biro bya CODACE aho bikorera mu Mujyi wa Kigali hafi yo mugakinjira uzenze Station ya Essence ya SP ihari, bitarenze kuwa 07/09/2025. Kubindi bisobanuro wahamagara Telephone zikurikira: 0788574267/0788598259
Bikorewe i Kigali kuwa 01/09/2025

NKUSI ASSIEL
PEREZIDA WA CODACESiège social : NIZA PLAZA Building Kigali
N° de Cpte 00040 - 00330155 - 97-BK

ITANGAZO RY'ISOKO



Gashari, ku wa 04/09/2025

ITANGAZO RY'IPIGANWA

Umurenge wa GASHALI/AKARERE KA KARONGI Uramenyesha ba rwiyezamezirimu bose ba byifuza kandi babifitiye ubushobozi ko ushaka gutanga Isoko ryo Kugura no Kugemura Ibikoresho byo mu biro n'Ibikoresho by'Isuku mu murenge wa Gashali.

Abifuza gupiganira Iryo soko bashobora kubona igitabo gikubiyemo amabwiriza agenga ipiganwa mu bunyamabanga bw'Umurenge kuva ku itariki ya 04/09/2025 nyuma yo kwishyura amafaranga y'U Rwanda adasubizwa ibihumbi icumi (10000 Frw) adasubizwa ya DAO mu Ireburo kuri Konti ya RRA.

Amabaruwa afunze neza arimo ibiciro agomba kuba yageze mu bunyamabanga bw'Umurenge wa Gashali kuwa gatanu tariki ya 19/9/2025 saa yine zuzuye za mugitondo (10h00).Gufungura amabashasha muruhame bizaba kuri uwo muni saa yine n'igice (10h30) mu cyumba cy'Inama cy'Umurenge wa Gashali.

Bikorewe i Gashali kuwa 04/09/2025

NIYIGENA Claudette Afsa

Umunyamabanga Nshingwabikorwa w'Umurenge wa Gashali

ITANGAZO RY'ISOKO

ITANGAZO RYO GUPIGANIRA ISOKO RY'IBIKORESHO BY'UBWUBATSU

Ubuyobozi bw'umurenge wa Kabacuzi buramenyesha ba Rwiyezamezirimu babyifuza gupiganira isoko ryo kugemura ibikoresho by'ubwubatsi by'amazu 9 azubakwa muri uwo murenge. ibyo bikoresho bikaba biri mu byiciro bibiri (Lot 2). Lot 1 kugemura umucanga Lot 2 kugemura ibikoresho bya quincailerie

Inyandiko z'isoko murazisanga mu biro by'ubunyamabanga bw'umurenge wa Kabacuzi nyuma yo kwishyura amafaranga ibihumbi icumi (10,000Frws) ku gitabo cy'ipiganwa agashyirwa kuri konti ya RRA DECENTRALIZED TAXES/MUHANGA DISTRICT No:00040-00636210-20 iri muri BK

Ibitabo bipiganira isoko ba Rwiyezamezirimu bazabigeza ku biro by'ubunyamabanga bw'umurenge wa Kabacuzi bitarenze 15/09/2025 saa yine za mu gitondo (10:00 am)

Gufungura amabaruwa y'abapiganwe bizakorwa kuri icyo tariki saa yine n'igice (10:30 am)

Bikorewe i Kabacuzi kuwa 02/09/2025

GIHANA Tharcisse

Umunyamabanga Nshingwabikorwa w'umurenge wa Kabacuzi

ITANGAZO RY'ISOKO

REPUBLIKA Y'U RWANDA

INTARA Y'UBURENGERAZUBA
AKARERE KA NGORORERO
UMURENGE WA NDARO
GS GASAVE TSS
Email: gsgasave16@gmail.com
TEL: 0787176527

ITANGAZO RY'ISOKO N°05.03.05.1001.GSGAS/2025-2026

Ubuyobozi bw'umurenge rw'amashuri rwa GASAVE TSS ruherereye mu karere ka Ngororero Umurenge wa Ndaru rufatanyije n'akanama gashinzwe gutanga amasoko, buramenyesha ba rwiyezamezirimu babifitiye uburenganzira, babishaka kandi babishoboye ko hushakwa gutanga isoko ryo kugemura ibikoresho byo mu biro n'ibyo abanyeshuri bigiraho. inkwi hamwe n'ibiri bwa bibora muri uyu mwaka w'amashuri 2025/2026 bigabanyijye mu byiciro bikurikira:
Lot1: Ibikoresho byo mu mashuri y'inyigisho rusange nibyo mu biro (office Materials)
Lot 2: Ibikoresho byo mu mashuri y'inyigisho rusange nibyo mu biro (Electrical technology)
Lot 3: Ibikoresho byo mu mashuri y'inyigisho rusange nibyo mu biro (Building construction)
Lot 4: Inkwi n'ibiri bwa bibora

Abifuza gupiganirwa ayo masoko yavuzwe haruguru, bagomba kugeza amabaruwa yabo afunze neza mu bunyamabanga bw'ishuri bitarenze tariki ya 19/09/2025 saa tatu 9h00 za mugitondo arinabwo gufungura amabaruwa muruhame bizakorwa 9h30' za mugitondo.

Abifuza ibisobanuro birambuye bikubiyemo mu gitabo gitanga ayo masoko (DAO: Document d'appel d'offres) kigurirwa mu bunyamabanga bw'ishuri nyuma yo kwishyura amafaranga ibihumbi bitanu (5000frw) adasubizwa kuri konti y'ishuri numero 9000-72810-000 iri muri Koperative Umwalimu SACCO.

Bikorewe Ndaru, kuwa 26/8/2025

GAHINDA Jean Marie Vianney
Umuyobozi w'ishuri

ITANGAZO RY'ISOKO



- HG Ltd
University of Rwanda-Holdings Group Ltd

TENDER NOTICE

Title of tender: Tender for supply of IT-equipment and the tender for maintenance of IT-equipment
UR-HG Ltd is a private limited company owned by University of Rwanda. Its mandate is to manage the income generating activities of UR in a cost-effective way. Their activities include clinical, dental, ophthalmology, imaging, and health & environmental related consultancies and research.

UR-HGLTD invites qualified bidders to bid for the following tenders:

SN	Tender reference	Title of the tender	The cost of the tender document
01	N°006/G/2025/NCB/UR-HGLTD	Tender for supply of IT-Equipment (framework contract) on behalf UR-HG Ltd	10,000FRW
02	N°007/S/2025/NCB/UR-HGLTD	Tender for maintenance services of IT-Equipment (framework contract) on behalf UR-HG Ltd	10,000FRW

The tender document for each tender showing the specifications of items to be supplied may be obtained from 8:00 am to 5:00 pm on any working day at UR-HG LTD (ex-KHI building), Procurement office at University of Rwanda, Nyarugenge Campus, next to Marriott Kigali Hotel, P.O Box 7575 Kigali, Tel: 0787140358 upon presentation of a proof of payment of anon-refundable fee of Ten thousand Rwandan Francs only (10,000Rwf) for each tender, on the Account N°100003754922 in the name of UR-HG Ltd operational account opened in Bank of Kigali (BK).

Well printed bids, properly bound and presented in four copies one of which is the original must reach at the address mentioned above not later than 12th September, 2025 at 12:00am prompt local time and be deposited at the procurement office. Late bids will be rejected.

Bids will be opened in the presence of bidders or the representatives who choose to attend in the UR- HG LTD board room, the same day at 12:30 am. The validity of the offers shall be 90 days from the date of opening of bids. The Outer envelope should clearly indicate the tender number and title.

Done at Kigali, on

MUGESERA Narcisse
Chief Executive Officer/UR-HGLTD

ITANGAZO RY'ISOKO

REPUBLIC OF RWANDA

SOUTHERN PROVINCE
KAMONYI DISTRICT
RUGALIKA SECTOR
KIGESE TECHNICAL SECONDARY SCHOOL
TEL: 0785189318/0728189318
School Account: UMWALIMU SACCO
Account No: 133236 KIGESE TVET School
Email: kigese@urw.gov.rw

ITANGAZO RY'ISOKO

Ubuyobozi bwa KIGESE TECHNICAL SECONDARY SCHOOL bufatanyije n'akanama gashinzwe gutanga amasoko, buramenyesha ba rwiyezamezirimu babyifuza kandi babifitiye ubushobozi ko hari isoko ryo kugemura ibikoresho by'ifashishwa mu myigire y'abanyeshuri (Training consumables) mu mashuri y'ubwubatsi (Building Construction), Guhanga imideri (Fashion Design) n'ububaji (Carpentry).

Ibitabo bikubiyemo amabwiriza y'ipiganwa biboneka mu bunyamabanga bw'ishuri nyuma yo kwishyura amafaranga ibihumbi icumi (10,000 Frw) adasubizwa kuri konti No:133236 iri mu Mwalimu Sacco yitwa KIGESE TVET School. Amabashasha akubiyemo ibiciro agomba kugezwa mu bunyamabanga bw'ishuri bitarenze kuwa 23/09/2025 saa yine n'igice (10h30') akazafungurwa mu ruhame kuri uwo muni saa tanu (11h00').

Ku bindi bisobanuro mwabazira kuri telefoni numero 0785189318

Bikorewe i Masaka/Rugalika, ku wa 01/09/2025

MBONYUMUKUNZI Obed

Umuyobozi wa KIGESE TECHNICAL SECONDARY SCHOOL

ITANGAZO RY'ISOKO

REPUBLIKA Y'U RWANDA

INTARA Y'AMAJYEPFO
AKARERE KA MUHANGA
UMURENGE WA MUHANGA
Email: muhanga@muhanga.gov.rw

ITANGAZO RYO GUPIGANIRA ISOKO

Umurenge wa Muhanga urahamagarira ba rwiyezamezirimu babyifuza kandi babifitiye ubushobozi gupiganira isoko ryo gutanga ibikoresho (lot 2) byo kubakira inzu z'abanyeshuri mu murenge wa Muhanga. Ababifuza bashobora kubona ibitabo by'ipiganwa mu bunyamabanga rusange bw'Umurenge wa Muhanga guhera kuwa 3/9/2025 bamaze kwishyura 10,000Frw adasubizwa kuri buri lot kuri konti y'imisiro y'Akarere ka Muhanga No 00040-00636210-20 iri muri BK cyangwa 441380613710194 iri muri BPR.

Dosiye ipiganira isoko ikubiyemo ibiciro yanditshe inyito y'isoko igomba kuba yageze mu bunyamabanga rusange bw'umurenge wa Muhanga bitarenze kuwa 11/9/2025 saa yine (10h00). Ibiciro bizafungurwa uwo muni saa yine n'igice (10h30) mu cyumba cy'Inama cy'umurenge.

Bikorewe i Muhanga, kuwa 2/9/2025

DUSABIMANA Telephone

Umunyamabanga Nshingwabikorwa w'Agateganyo w'Umurenge wa Muhanga

ITANGAZO RYA CYAMUNARA



CYAMUNARA RWANDA LTD

Tin : 111531653 / Tel : 0787334130 / NYARUGENGE-KIGALI
www.cyamunararwanda.rw / Email : cyamunararwanda@gmail.com

ITANGAZO RYA CYAMUNARA Y'ISHYAMBA RY'INTURUSU RYEZE RYO GUSARURWA RIFITE N'ICYANGOMBWA CYO KURISARURA RIRI KUBUSO m² 16,643 RIHEREREYE KAMONYI.

CYAMUNARA RWANDA Ltd, sosiyete ya mbere mu Rwanda mu kugurisha hifashishijwe ipiganwa ry'ibiciro "CYAMUNARA" imitungo yimukanwa n'itimukanwa y'ibigo bya Leta, imiryango idaharanira inyungu, amasosiyete y'ubucuruzi n'abantu ku giti cyabo. Ibiherewe ububasha na sosiyete HUMURA TRADING LTD, iramenyesha abantu bose babishaka kandi babifitiye ubushobozi ko kuwa Gatanu taliki 05/09/2025 saa tanu z'amanywa (11h00") izagurisha mu cyamunara umutungo ugizwe n'ishyamba rin kuri aderesi ikurikira:

VILLAGE	CELL	SECTOR	DISTRICT	PROVINCE
GITWA	BIHEMBE	RUGALIKA	KAMONYI	AMAJYEPFO

Gusura uwo mutungo bikorwa buri muni mu masaha y'akazi aho uherereye havuzwe haruguru.

CYAMUNARA RWANDA IRIBUTSA ABAZITABIRA CYAMUNARA IBIKURIKIRA:

✓ Cyamunara izabera mu ruhame hakoresha gupiganisha ibiciro mu magambo.

✓ Uwifuza kugura muri iyi cyamunara asabwa kwishyura ingwate y'ipiganwa ya Miliyoni (1,000,000RWF) CASH cg CHEQUE CERTIFIE mu mazina ya CYAMUNARA RWANDA Ltd aheraho mukwishyura.


✓ Uguze icyo shyamba asabwa kwishyura 100% y'agaciro yatsindiyeho bitarenze umunsi wa cyamunara no kuritema (kurisarura) bitarenze iminsi irindwi ikurikira uwo cyamunara yabereyeho.

✓ Utsindiye umutungo ntiyishyure ikiguzi cyose, ingwate ye irafatirwa ikazakoresha mu gutegura cyamunara ikuriyeho.

✓ Ingwate y'ipiganwa isubizwa ako kanya cyamunara irangiye kubataguze

Ukeneye ibindi bisobanuro baza 0787334130/0788822147, andi makuru

y'umutungo ugurishwa uyasanga ku rubuga www.amatangazo.com



Bikorewe i Kigali, kuwa 1/09/2025

NDEREYIMANA Mathias
Umuyobozi Mukuru
CYAMUNARA RWANDA Ltd



PROPERTY OWNER : HUMURA TRADING LTD

ITANGAZO RYA CYAMUNARA

ITANGAZO RYA CYAMUNARA RY'UMUTUNGO UTIMUKANWA

MU RWEGO RWOGUSHYIRA MU BIKORWA ICYEMEZO CY'UMWANDITSI MUKURU N°: 025-161582 CYO KUWA 12/08/2025 CYO KUGURISHA INGWATE MU CYAMUNARA HAGAMUJWE KWISHYURA UMWENDA WA BANKI:

USHINZWE KUGURISHA INGWATE Me GATERURA JUSTIN ARAMENYESHA ABANTU BOSE KO GUHERA TARIKI YA 15/09/2025 ISAA MUNANE (14H00) ZAMANYWA KUGEZA TARIKI YA 22/09/2025 ISAA MUNANE ZA MAMANYWA (14H00) AZAGURISHA MURI CYAMUNARA KU NSHURU YA MBERE BINYUZE MUBURYO BW'IKORANA BUHANGA UMUTUNGO UTIMUKANWA UGIZWE N'INZU YOGUTURAMO IRIMUKIBANZA KIBARUWE KURI UPI: 2/07/01/03/4627 IFITE UBUSO BUNGANA 516 SQMS; IHEREREYE MU MUDUGUDU WA MUSENGO, AKAGARI KA KIVUMU, UMURENGE WA CYEZA, AKARERE KA MUHANGA, INTARA Y'AMAJYEPFO, IYO NZU IRIMUKIBANZA GIFITE AGACIRO KANGANA NA 40,200,000 FRW, USHAKA GUPIGANWA ATANGA IBICIRO BINYUZE KURUBUGA RWIKORANABUHANGA HARANGIRIZWAHO INYANDIKO MPESHA ARIRWO: WWW.CYAMUNARA.GOV.RW.

UWIFUZA GUPIGANWA AGOMBA GUTANGA INGWATE Y'IPIGANWA Y'UWO MUTUNGO INGANA 2,010,000 FRW AHWANYE NA 5% YAGACIRO INGWATE IFITE YIFASHISHIJE URUBUGA RWA CYAMUNARA ARIRWO: WWW.CYAMUNARA.GOV.RW.

NHATAGIRA UGURA CYAMUNARA KUNSHURO YAKABIRI IZATANGIRA 24/09/2025 I SAA MUNANI ZAMANYWA (14h00") KUGEZA KUWA 01/10/2025

NHATAGIRA UGURA CYAMUNARA KUNSHURO YAGATATU IZATANGIRA 3/10/2025 I SAA MUNANI ZAMANYWA (14h00") KUGEZA KUWA 10/10/2025

GUSURA IYONZU BIZATANGIRA TALIKI YA, 16 Z'UKWEZI KWA 09/2025 KUGEZA TARIKI 21/09/2025 GUHERA ISAA MBIRI (08H00) ZAMUGITONDO KUGEZA SAA KUMINIMWE (17H00) Z'UMUGORоба.

IBICIRO BY'ABAPIGANWE BIZATANGAZWA KUWAMBERE TARIKI YA 22/09/2025

N.B: UWATSINDIYE UMUTUNGO AZISHYURIRA KURI KONTI: 1259064356 IRI MURI MU RWEGO FIANCE YANDITSE MU MAZINA YA GATERURA JUSTIN.

UWAKENERA IBINDI BISOBANURO YAHAMAGARA KURI
[TEL: 0783286943](tel:0783286943) / [0725484148](tel:0725484148)

BIKOREWE I MUSANZE, KUWA 01/09/2025

USHINZWE KUGURISHA INGWATE
Me GATERURA JUSTIN



ITANGAZO RYA CYAMUNARA

ITANGAZO RYA CYAMUNARA RY'UMUTUNGO UTIMUKANWA

MU RWEGO RWOGUSHYIRA MU BIKORWA ICYEMEZO CY'UMWANDITSI MUKURU N°: 025-166819 CYO KUWA 18/08/2025 CYO KUGURISHA INGWATE MU CYAMUNARA HAGAMUJWE KWISHYURA UMWENDA WA BANKI:

USHINZWE KUGURISHA INGWATE Me GATERURA JUSTIN ARAMENYESHA ABANTU BOSE KO GUHERA TARIKI YA 15/09/2025 ISAA MUNANE (14H00) ZAMANYWA KUGEZA TARIKI YA 22/09/2025 ISAA MUNANE ZA MAMANYWA (14H00) AZAGURISHA MURI CYAMUNARA KU NSHURU YA MBERE BINYUZE MUBURYO BW'IKORANA BUHANGA UMUTUNGO UTIMUKANWA UGIZWE N'INZU YOGUTURAMO IRIMUKIBANZA KIBARUWE KURI UPI: 2/07/01/03/4626 IFITE UBUSO BUNGANA 750 SQMS; IHEREREYE MU MUDUGUDU WA MUSENGO, AKAGARI KA KIVUMU, UMURENGE WA CYEZA, AKARERE KA MUHANGA, INTARA Y'AMAJYEPFO, IYO NZU IRIMUKIBANZA GIFITE AGACIRO KANGANA NA 33,000,000 FRW, USHAKA GUPIGANWA ATANGA IBICIRO BINYUZE KURUBUGA RWIKORANABUHANGA HARANGIRIZWAHO INYANDIKO MPESHA ARIRWO: WWW.CYAMUNARA.GOV.RW.

UWIFUZA GUPIGANWA AGOMBA GUTANGA INGWATE Y'IPIGANWA Y'UWO MUTUNGO INGANA 1,650,000 FRW AHWANYE NA 5% YAGACIRO INGWATE IFITE YIFASHISHIJE URUBUGA RWA CYAMUNARA ARIRWO: WWW.CYAMUNARA.GOV.RW.

NHATAGIRA UGURA CYAMUNARA KUNSHURO YAKABIRI IZATANGIRA KUWA 24/09/2025 I SAA MUNANI ZAMANYWA (14h00") KUGEZA KUWA 01/10/2025

NHATAGIRA UGURA CYAMUNARA KUNSHURO YAGATATU IZATANGIRA 3/10/2025 I SAA MUNANI ZAMANYWA (14h00") KUGEZA KUWA 10/10/2025

GUSURA IYONZU BIZATANGIRA TALIKI YA, 16 Z'UKWEZI KWA 09/2025 KUGEZA TARIKI 21/09/2025 GUHERA ISAA MBIRI (08H00) ZAMUGITONDO KUGEZA SAA KUMINIMWE (17H00) Z'UMUGORоба.

IBICIRO BY'ABAPIGANWE BIZATANGAZWA KUWAMBERE TARIKI YA 22/09/2025

N.B: UWATSINDIYE UMUTUNGO AZISHYURIRA KURI KONTI: 1259064356 IRI MURI MU RWEGO FIANCE YANDITSE MU MAZINA YA GATERURA JUSTIN.

UWAKENERA IBINDI BISOBANURO YAHAMAGARA KURI
[TEL: 0783286943](tel:0783286943) / [0725484148](tel:0725484148)

BIKOREWE I MUSANZE, KUWA 01/09/2025

USHINZWE KUGURISHA INGWATE
Me GATERURA JUSTIN



ITANGAZO RYA CYAMUNARA

ITANGAZO RYA CYAMUNARA Y'UMUTUNGO UTIMUKANWA

MU RWEGO RWO GUSHYIRA MU BIKORWA ICYEMEZO CY'UMWANDITSI MUKURU CYO KUGURISHA INGWATE CYO KUWA 18/08/2025, ORG (MORTGAGED PROPERTY) Ref N°: 025-166827 KUGIRANGO HISHYURWE UMWENDA UMUKIRIYA ABEREYEMO BANKI.

UWASHINZWE KUGURISHA INGWATE Me MURINDABIGWI IDRISSA ARAMENYESHA ABANTU BOSE KO AZAGURISHA MURI CYAMUNARA BINYUZE MU BURYO BW'IKORANABUHANGA UMUTUNGO UTIMUKANWA UGIZWE N'INZU IRI MU KIBANZA GIFITE UPI: 3/06/09/02/880 UHEREREYE MU MUDUGUDU WA BATERO, AKAGARI KA GIHUNDWE, UMURENGE WA KAMEMBE, AKARERE KA RUSIZI, INTARARA Y'IBURENGERAZUBA

INGENGABIHE Y'UBURYO CYAMUNARA ZIZAKURIKIRANA MUBURYO BW'IKORANABUHANGA.

CYAMUNARA	UMUNSI/UKWEZI	UMWAKA	ISAHU
1	13/09 KUGEZA 20/09	2025	Saa yine (10h00)
2	22/09 KUGEZA 29/09	2025	Saa yine (10h00)
3	01/10 KUGEZA 08/10	2025	Saa yine (10h00)

UWO MUTUNGO UTIMUKANWA NI INZU IRI MU KIBANZA GIFITE UBUSO BUNGANA NA 558m²

UFITE AGACIRO FATIZO KA NGANA 16.100.000 FRW BITYO INGWATE Y'IPIGANWA YA 5% INGANA NA 805.000 FRW YISHYURWA HACIWE MURI SYSTEME YA CYAMUNARA (cyamunara.gov.rw) IKAGUHA CODE WISHYURAHU MURI BANKI YA KIGALI (B.K) CYANGWA MOBILE MONEY HAKORESHEJWE Urubutopay

USHAKA GUPIGANWA ATANGA IBICIRO BINYUZE MUBURYO BW'IKORANABUHANGA KURI www.cyamunara.gov.rw ARI NAHO MUSANGA FOTO Y'UMUTUNGO

UZATSINDIRA UMUTUNGO AZISHYURIRA KURI KONTI YA Me MURINDABIGWI IDRISSA N° 4010211368040 IRI MURI EQUITY BANK.

GUSURA UWO MUTUNGO BIKORWA BURI MUNSI

ABIFUZA IBINDI BISOBANURO BABARIZA KURI NOMERO ZA TELEFONE IGENDANWA ZIKURIKIRA -


: 0788353677

BIKOREWE I RUSIZI, KUWA 01/09/2025

UWASHINZWE KUGURISHA INGWATE Me MURINDABIGWI IDRISSA



ITANGAZO RY'ISOKO



ITANGAZO RYA CYAMUNARA

ITANGAZO RYA CYAMUNARA

KUGIRANGO HARANGIWE ICYEMEZO CY'UMWANDITSI MUKURU MURI RDB GIFFTE NUMERO: 025-136032 NO 02460/2025/RCV/ORG CYO KUWA 16/07/2025 CYO KUGURISHA INGWATE MURI CYAMUNARA HAGAMUJWE KWISHYURA UMWENDA WA BANKI.

UWASHINZWE KUGURISHA INGWATE M° KARARA Emmanuel ARAMENYESHA ABANTU BOSE KO AZAGURISHA MURI CYAMUNARA KU NSHURU YA GATATU UMUTUNGO UTIMUKANWA UGIZWE N'INZU YO GUTURAMOHO MUKIBANZA GIFITE UPI: 5/02/10/01/546 GHEREREYE MU MUDUGUDU WA BARIJA B, AKAGARI KA BARIJA, UMURENGE WA NYAGATARE, AKARERE KA NYAGATARE, INTARA UBURASIRAZUBA, KUGIRA NGO HISHYURWE UMWENDA WA BANKI ;

UKO CYAMUNARA ZIZAKURIKIRANA BINYUZE MU BURYO BW'IKORANABUHANGA:

CYAMUNARA	UMUNSI/UKWEZI CYAMUNARA IZATANGIRIRAHU, IKANARANGIRIRAHU	ISAHU
INSHURU YA 3 ARINAYO YA NYUMA	IZATANGIRA KUWA 06/9/2025 IRANGIRE KUWA 13/9/2025	SAA MUNANI 14H00

UMUTUNGO UGURISHIWA UFITE UBUSO BUNGANA NA M² 873 (sqm). UKABA UFITE AGACIRO KANGANA NA (27.674.476 frw) INGWATE Y'IPIGANWA INGANA NA 5% N'UKUVUGA 1,383,723,8 frw YISHYURWA KURI KONTI YA MIMJUSTIN CYAMUNARA IZAKORWA MU BURYO BW'IKORANABUHANGA, ABIFUZA GUPIGANWA BAZABIKORA BACTYE K'URUBUGA: WWW.CYAMUNARA.GOV.RW.

GUSURA UMUTUNGO BIZAJYA BIKORWA MU MINSI NO MU MASAHA Y'AKAZI.

- ABIFUZA IBINDI BISOBANURO BABARIZA KURI NUMERO YA TELEPHONE IGENDANWA IKURIKIRA: 0788830615
- IFOTO N'IGENAGACIRO BY'UMUTUNGO UGURISHWA BIBONEKA HAKORESHEJWE UBURYO BW'IKORANABUHANGA RYO KURANGIZA INYANDIKOMPESHA BIBONEKA K'URUBUGA: WWW.CYAMUNARA.GOV.RW

N.B: UZABA YATSINDIYE KWEGUKANA UYU MUTUNGO AZISHYURA ACISHIJE UBWISHYU BWE KURI KONTI N°: konti N° 22120 yanditse mumazina ya Me KARARA Emmanuel iri muri CSS

BIKOREWE I KIGALI KUWA 04/09/2024

Mc KARARA Emmanuel
Ushinzwe kugurisha ingwate



ITANGAZO RY'ISOKO



ITANGAZO RY'ISOKO



Imvaho Nshya

Imyidagaduro

Yemi Alade yashimishijwe n’urugwiro yagaragarijwe n’ingagi

MUTETERAZINA Shifah

Umuhanzikazi w’umun-ya-Nigeria Yemi Alade yahishuye ukuntu yishimiwe n’umuryago w’ingagi yasuye bikamutera kumva anyuzwe, na we akiyumvamo ikaze muri uwo muryango.

Ni bimwe mu byo yagarutseho kuri uyu wa Gatanu tariki 05 Nzeri 2025, ubwo yari amaze kwita izina umwana w’ingagi yari yahisemo kwita.

Yemi yavuze ko yatunguwe kandi akanyurwa n’umuryango w’ingagi ya Silver Back yasuye mu gitondo cy’itariki 04 Nzeri 205 ukamwakirana urugwiro.

Uyu muhanzikazi yavuze ko umwana w’ingagi yise izina yavutse mu muryango witwa Igisha avuka kuri nyina witwa Imbaga tariki 01 Gicurasi 2025. Umwana yamwise Kundwa kubera ko ari umukobwa w’imfura ya nyina kandi na we kuko

ari imfura iwabo azi inshingano umukobwa w’imfura aba afite mu muryango.

Yagize ati: “Ejo hashize nagize amahirwe yo kwakirwa n’ingagi yitwa Gahinga, yaratwakiriye atwemerera kwicara tuzireba zisangira kandi zishimanye, byanyeretse urukundo ruba hagati y’umwana na nyina, nanyuzwe kandi n’uburyo abarinzi bazo bamaze amasaha menshi bashaka umuryango twasura mbere y’uko twubona.”

[..] Mwarakoze cyane kubera ko urukundo mwahaye ingagi ni rwo rwatumye zitwemerera kutwakira mu muryango wazo nahigiye zimwe mu ndimi zazo byatumye niyumva nkaho ndi umwe muri uwo muryango.”

Uretse Yemi Alade umuhango wo kwita izina wanitabiriwe n’ibindi byamamare bitand-



Yemi Alade yanyunzwe n’urugwiro ingagi zamwakiranye

kanye byaturutse hirya no hino barimo Michelle Yoeh uzwi muri filime z’imirwano aho yise umwana w’ingagi Rwogere, umuhanzikazi uvuka mu Burundi Khadja Nin, ariko akaba yarahisemo u Rwanda nk’igihugu yita mu rugo yise umwana w’ingagi ‘Garuka’, Sami Kakoma umwanditsi w’indirimbo w’umunyamerika ukomoka mu Rwanda na we yise izina umwana w’ingagi Iwacu wavutse 15 Gicurasi 2024.

Ni ku nshuro ya Gatatu Yemi Alade ageze mu Rwanda, aho ku nshuro ye ya mbere hari mu gitaramo cyo kurasa umwaka mu 2017, aza kugaruka mu Rwanda mu 2023

aho yari yitabiriye ibitaramo bya Trace Awards Festival byabereye muri BK Arena.

bwagutse.

Ati: “Kimwe mu byo twifu- zaga dukora itsinda, kwari ukuzana ibintu bishya, turavuga tuti nk’ubusizi bukiri kuzamuka turavuga tuti reka dukore ikintu gitandukanye ni ko kuza nk’itsinda, kandi dushingiye ko abashyize hamwe nta kibananira.”

Yasobanuye impamvu bahisemo izina ‘Urugera’

Ati: “Urugera rifite ibisobanuro byinshi, ubusanzwe urugera ni umunyu, hanyuma mu Kinyarwanda kimbitse urugera ni ukintu cy’intangarugero noneho mu busizi ho urugera ni uburyo ibisigo bivugwa mu buryo bwo kwikirizanya.”

Yongeraho ati: “Twahisemo iryo zina kuko ibisigo byose tuzakora tuzajya tuba twikirizanya, ikindi ni uko twifuza kugira ikindi kintu tuzana mu busizi nk’uko ibiryo iyo bihiye bitarimo umunyu ubiriye wese yumva nta cyanga turashaka kuzana umunyu muri ubu busizi kandi tukifuza gukora ubusizi bushingiye ku bipimo

Itsinda ry’ubusizi ‘Urugera’ ryiye-meje kongera uburyohe mu busizi

MUTETERAZINA Shifah

Abasore bane bagize itsinda ry’ubusizi rya iswe ‘Uregera’ bavuye ko biyemeje kuba inkingi ya mwamba mu busizi bongeramo umunyu ari nayo mpamvu bahisemo kwitwa iryo zina.

Ni itsinda rigizwe n’abarimo Niyomukiza Gildas, Dushime Polycarpe, Niyiduha Placide, Twayigize Alphonse bahisemo gufatanya ubusizi nk’itsinda kugira ngo barushaho kuzana impinduka mu busizi.

Niyomukiza Gildas uri no muri babiri batangije iryo tsinda yagize ati: “Igitekerezo cyavuye kuri babiri muri twe, njye na Dushime Polcarpe twari dusanzwe duhurira mu marushanwa y’ubusizi mu mashuri, tumaze kuva mu mashuri dusanga twibagiwe ubusizi nyarwanda buruhura turaganira ariko tugamije uburyo twabiha umurongo.”

Yongeyeho ko muri ibyo biganiro ari bwo bungutse abandi babiri ari bo Placide na Alphonse, bibafasha gukora ubusizi mu buryo bushya

by’ubusizi.”

Ni itsinda rije riyiyongera ku ryitwa ‘ibyanzu’ byashinzwe na Rumaga akaba avuga ko kuba itsinda ryabo rije ritaje guhangana n’iryo risanzwe ahubwo ari uburyo bwo guhuza imbaraga ngo ubusizi nyarwanda burushaho kwaguka no kuryohera abakunzi babwo.

Kugeza ubu Itsinda Urugera bamaze kugira ibisigo bitandukanye birimo umuratanzara, Gute, Imbyino ya nyuma, Nyishyura nishyure n’ibindi.



Itsinda Urugera rikora ubusizi bahagurukiye kongera uburyohe mu busizi



Icyizere cyo kujya mu Gikombe cy’Isi ku ikipe y’Igihugu Amavubi cyatangiyeye kugabanyuka

Amavubi yatsinzwe na Nigeria icyizere cyo kujya mu Gikombe cy’Isi gitan-gira kugabanyuka

SHEMA Ivan

Ikipe y’igihugu “Amavubi” yatsinzwe na Super Eagles ya Nigeria igitego 1-0 mu mukino w’umunsi wa karindwi wo mu itsinda C mu gushaka itike y’igikombe cy’Isi cya 2026.

Uyu mukino wabereye ku kibuga cya Godswill Akpabio International Stadium kuri uyu wa Gatandatu tariki ya 6 Nzeri 2025.

Umukino watangiye utuje amakipe yombi yigana bityo n’uburyo bw’ibitego bukaba buke. Ku munota wa 33, rutahizamu Victor Osimhen yagize imvune asohoka mu kibuga asimburwa na Cyriel Dessers.

Igice cya mbere cyarangiyeye amakipe yombi anganya ubusa ku busa.

Mu gice cya kabiri, Nigeria yatangiranye impinduka Tolu Arokodare yinjije mu kibuga asimbura Frank’s Onyekia.

Ku munota wa 51, Nigeria yafunguye amazamu ku gitego cyatsinzwe na Tolu Arokodare.

Ku munota wa 54, umutoza w’Ikipe y’Igihugu y’u Rwanda, Adel Amrouche yakoze impinduka, Omborenga Fitina asimburwa na Kwizera Jojea.

Nigeria yasatiraga cyane, Tolu yateye ishoti rikomeye

umunyezamu Ntwari Fiacre arikuramo, umupira usanga Moses Simon asongamo Kavita Phanuel araryama awukuramo.

Mu minota 70, Amavubi yatangiye gutinyuka gukina ari nako agerageza kugera imbere y’izamu rya Stanley Nwabali ariko ikayabera ibamba.

Amavubi yakomeje gukora impinduka, ku munota wa 77 Nshuti Innocent aha umwanya Biramahire Abbedy.

Mu minota 80, umukino watuje Nigeria iharira Amavubi umupira ariko ikugarira neza ku buryo nta gikomeye yawukoresheje.

Umukino warangiye Nigeria yatsinze u Rwanda igitego 1-0. Ifata umwanya wa gatatu n’amanota 10, u Rwanda rujya ku mwanya wa kane n’amanota umunani.

Ni mu gihe Afurika y’Epfo ya mbere ifite amanota 16, ikurikiwe na Benin ifite 11. Lesotho ya gatanu ifite amanota atandatu na Zimbabwe ya nyuma ifite ane.

U Rwanda ruzagaruka mu kibuga ku wa Kabiri tariki ya 9 Nzeri 2025 rwakirwa na Zimbabwe muri Afurika y’Epfo mu gihe Nigeria izakirwa na Afurika y’Epfo.

REG WBBC yegukanye Igikombe cya Shampiyona ku nshuro ya 2 yikurikiranya

SHEMA Ivan

REG WBBC yegukanye Igikombe cya Shampiyona ya Basketball ku nshuro ya kabiri yikurikiranya, nyuma yo gutsinda Kepler WBBC amanota 54-51 mu mukino wa karindwi mu ya nyuma ya Kamaram-paka muri Shampiyona ya Basketball mu Bagore.

Uyu mukino wabaye mu ijoro ryo ku wa Gatandatu tariki ya 6 Nzeri 2025, muri Petit Stade i Kigali.

Wari umukino ukomeye hagati y’impande zombi kuko amakipe yombi yanganyaga intsinzi eshatu, buri kipe yasabwaga gutsinda ikegukana igikombe cya shampiyona.

REG WBBC yatangiye umukino neza itsinda amanota menshi, agace ka mbere karangira iyoboye n’amanota 14-10.

Ikipe ya Kaminuza ya Kepler yagurukanye imbaraga mu gice cya kabiri itangira kugabanya ikinyuranyo binyuze muri Nelly Sandra Nsanzabaganwa ndetse mu minota itatu ya mbere banganya amanota 17-17.

Mu minota ya nyuma,

Kristina King na Tetero Odile batsindiye REG amanota yayifashije gusoza igice cya mbere iyoboye umukino n’amanota 27 kuri 25 ya Kepler WBBC.

Ikipe y’Ikigo cy’Igihugu cy’Ingufu yakomeje gukina neza mu gace ka gatatu, abarimo Odile Tetero na Byukusenge Gloriose batsinda amanota ikinyuranyo kiba 31-25.

Kepler yikubise agashyi itangira kugabanya ikinyuranyo binyuze muri Young Desi-Rae Yvonne watsindaga cyane ndetse banganya 33-33.

Aka gace karangiye Kepler WBBC yigaranzuye REG WBBC iyobora n’amanota 37-35.

Mu gace ka nyuma, umukino warushijeho kwegerana cyane kuko ikinyuranyo kitarengaga amanota atatu.

Umukino warangiye REG WBBC itsinze Kepler WBBC amanota 54-51, yegukana igikombe cya Shampiyona y’Icyiciro cya mbere mu bagore ku nshuro ya kabiri yikurikiranya, bikaba ari inshuro ya 4 (2021, 2022, 2024 na 2025).

Maiga Kadidia wa REG WBBC yabaye umukinnyi wahize abandi mu mikino ya kamarampaka (MVP) aho yatsinze amanota 342

akora Rebounds 239 ndetse n’uw’imikino ya kamarampaka, ahabwa miliyoni 2 z’amafaranga y’u Rwanda.

Kamba Diakte wa APR WBBC yabaye umukinnyi watsinze amanota atatu menshi (61).

Umugwaneza Charlotte wa APR WBBC yabaye myugariro mwiza wa shampiyona, Uwimpuhwe Henriette wa Kepler WBBC yabaye umukinnyi watsinze amanota menshi muri Shampiyona yose (476).

Cyuzuzo Rebecca wa The Hoops yabaye umukinnyi wazamuye urwego kurusha abandi.

Luis Lopez Hernandez utoza Kepler WBBC Rwaza ni we wabaye umutoza w’umwaka.



Umwimpuhwe Henriette yabaye umukinnyi watsinze amanota menshi muri shampiyona



REG WBBC ku nshuro ya Kabiri yikurikiranya, kiba icya Kane mu mateka yayo



Giancarlo Davite yegukanye irushanwa rya Nyirangarama Sprint Rally 2025



Giancarlo Davite yongeye gutwara Nyirangarama Rally yanatwaye iba ku nshuro ya mbere mu 2019

SHEMA Ivan

Giancarlo Davite wafatanyije na Giancarlo Matteo muri Mitsubishi Evo X, yegukanye Isiganwa ryo mu modoka rya “Nyirangarama Sprint Rally 2025” ryakiniwe mu mihanda yo mu Karere ka Rulindo ku wa Gatandatu, tariki ya 6 Nzeri 2025.

Ni isiganwa ryari rigizwe n’uduce turindwi aho kuba icyenda nkuko byari byatangajwe dufite intera y’ibilometero 72.2, abasiganwa banyuze mu mihanda ya Gashenyi, Tare na Karambo yo mu Karere ka Rulindo mu Ntara y’Amajyari-guru.



Umuraperi Ish Kevin umaze kumenyerwa mu mukino wo gusiganwa mu modoka yari yitabiriye

Iri siganwa ryakinwaga ku nshuro yaryo ya kane, ritegurwa n’Ishyirahamwe ry’Umukino wo Gusiganwa mu Modoka mu Rwanda (Rwanda Automobile Club- RAC), ku bufatanye na Entreprise Urwibutso ya Sina Gérard.

Imodoka 9 ni zo zitabiriye isiganwa mu gihe hari hiyandikishije 10, zose z’abashoferi bo mu Rwanda.

Agace ka gatatu kakiniwe ku Musozi wa Tare kasize Peugeot yari itwawe na Hakizimana Jacques na Semana Ish Kevin ivuyemo, naho Subaru Impreza yari itwawe na Gakwaya Eric na Kayibanda Aurore ndetse n’iya Murengezi Brian na Niwemugore, zombi ziviramo mu gace ka kane i Karambo.

Muri rusange imodoka eshanu ni zo zabashije gusiga isiganwa, iyakoresheje ibihe byiza ni Giancarlo Davite na Giancarlo Matteo muri Mitsubishi Evo X aho bakoresheje iminota 45

n’amasegonda 52, bakurikwe na Kanangire Christian na Mujiji Kevin muri Subaru Impreza aho bakoresheje iminota 57 n’amasegonda icyenda aho basizwe n’aba mbere iminota 11 n’amasegonda 37.

Iyi kipe kandi yaje guhanwa iminota itandatu kubera dutinda guhaguruka ubwo hakinwaga agace ka mbere kahagurukiye mu muhanda wa Gashenyi berekeza mu muhanda wa Tare.

Umwanya wa gatatu wegukanywe na Yoto Fabrice na Tuyishime Régis muri Subaru Impreza aho bakoresheje iminota 59 n’amasegonda ane.

Kalimpinya Queen na Ngabo Olivier, na bo bari batwaye Subaru Impreza, babaye aba kane bakoresheje isaha, iminota itatu n’amasegonda 34, ku mwanya wa gatanu hasoreza Rutabingwa Gratien na Munyaneza Irene bakoresheje isaha, iminota umunani n’amasegonda 39 muri Peugeot.

Shampiyona y’umukino wo gusiganwa mu modoka mu Rwanda izakomeza hakinwa Huye Rally iteganyijwe hagati y’itariki ya 21 na 24 Ukwakira 2025.



Iyi ni imwe mu modoka zasiganwaga